

सानसेयारि "बड'सा" खौरांलाइयाव
अमजयारि जिज्जो लोब्बा थानाय रायथाय, अन्थाय,
अल', अल'बाथा आरो दावबायारि थावनि, पाके
बाइदिनि आयाव लिन्नाय लिन्निबां दैथाय हर/
सानसेयारि "बड'सा" खौरांलाइया सेबअनाबि
फोसावगोन।

बड'सायाव लिन्नायवि हुदा खालाम,
"बड'सा" खौरांलाइया, जो बयबो आंगो खालाम।

सानसेयारि बड'सा मावखुलि

माइबं नोगार, जोहोलाव दैमालु लामा

कक्राझार, बिटिम-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 22 June, 2021 Kokrajhar, BTC, Assam ★ Vol.- 31, Issue No. 87 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

देहा सोलेर आरो गोसोखौ सांग्रां लाखिनो थाखाय यगा खालामनांगौ: मेग नेधि दाहाल

कक्राझार, 21 जून:
मुलुगनाइने 7 थि माहारियारि
यगा सानखौ फालिनायजो
लोगोसेनो आथिखालिनि
कभिड-19 नि प्रटकलखौ
मानिनाबि बि टि आरिनि गहाय
मावफुं सोद्रोमा प्रमद बर'आबो
सानफा एफायै मावोनो गोनां
खामानिफोराव आगान
सुरनायखौ नुनो मोन्दो। बेनि
गेजेरावोनो कक्राझार सहरनि
बेखनाव थानाय के डि एस ए
इन्डुर स्टेडियामआव खुंनय
मोनसे हाबाफारियाव कक्राझार



जिल्ला खुंथाय आरो बि टि
सिनि स्पर्टस एन्ड इयुट
अवेलेपेयार डिपार्टमेन्टनि
बान्जायनायाव यगा हाबाफारिखौ

खुंनय जादो। बे हाबाफारियाव
बाहागो लादोमोन आसामनि
केबिनेट मन्थि इड जि ब्रह्म, ए
डि जि पि एल आर बिण्य, एम
एल ए लरेन्स इसलारि,
जिल्ला बेगिरी मेघ नेधि
दाहालमोनहाबो दिनेनि यगा
सानाव बाहागो लानानै

हाबाफारिखौ मेहेरगोनाडै
जाफुंसार होयो। दिनेनि बे
हाबाफारियावोनो प्रमद बर'आ
साफ्रोमबो सुबुंफोरखौनो
देहानि गाहामनि थाखाय
जे ब्लायाबो यगा एबा
एकसासोइस खालामनानै देहाखौ
गोगोयै लाखिनो थाखाय
खावलायनायजो लोगोसेनो
गोजाम बेमारफोरखौ आबुडै
फोजोबस्रानानै गोगो देहा
खालामनो थाखाय जेब्लायबो
बि टि आर सरकार नाजालांबाय
थगोन होन्नानै बुंथिदो।

माहारियारि यगा सानाव साफ्रोमबोनि देहा आरो मेलेमखौ गोजोनै लाखिथो: जगदिश मुखी



दिसपुर, 21 जून: हादतनाडै
7 थि यगा सानखौ फालिनायाव
बयखौबो मुखुब जानायजो

लोगोसेनो आसामनि राइज्यो
बेगिरी प्रफेसार जयगदिश मुखी
आरो फास्ट लेडि स्त्रीमुति प्रेम

मुखिआबो बाहागो लानायजो
लोगोसे दिनेनि हासियायारि यगा
सानखौ मेहेरगोनाडै फालियो।
मख'नो गोनांदि, राइज्यो बेगिरी
मुखीआ खौरां बिबुंसारव
बुंदोदि, यगा खालामनाया
मोनसे देहायारि थासाखौ
गोखौ खालामनायजो लोगोसे
मेलेमयारि जेनाखौबो गोखौ
खालामो। मख'नो गोनांदि,
दिनेनि बे यगा सानावोनो गहाय
मन्थि नेरुद मदिआ यगा सानखौ
(□ 5 बिलाइआव)

दुलाराइ बर' हरिमु आफादनि बारग'आफादगिरि आनान्द बसुमतारीया रुंसारि जाबाय



बाकसा, 21 जून - बाकसा
जिल्लानि सदर मुसलपुरनि
साखाथियाव थानाय बिलपार
गामिनि थागिबि थामहिन्बा
मुसलपुर जौसिन फरायसालिनि
आजिरा मोननाय फोरोगिरी
आनान्द बसुमतारीया दिनेनि गावनि
आंगो नआव फुनि 11 रियायाव
(□ 5 बिलाइआव)

21 जून मुलुगनां यगा साननि हाबाफारिआव कक्राझारनि गाहाय डाक मावख'आव केन्सेलेसन स्टाम्प बेखेवनाय हाबाफारिआ खुंफुंजाबाय: गुरुपाडा पाल



कक्राझार, 21 जून: दिनेनि
21 जून, 2021 आव मुलुगनां
यगा सानखौ लोब्बा लाखिनानै

स्टाम्पखौ बेखेवनायजो लोगोसे
बिटिआरिनि गहाय सदर सहर
कक्राझारनि गहाय डाक
मावख'आवबो केन्सेलेसन
स्टाम्पखौ बेखेवनाय जायो।
बेजो लोगोसे मावख'नि गोबां
मावसुमाफोपनि बाहागो
लानायजो यगा हाबाफारिखौ
मेहेर गोनाडै खुंफुंनय जायो
होन्नानै कक्राझार गहाय डाक
मावख'नि पस्ट मास्टर गुरुपाडा
पालआ प्रेस बिबुंसारिनि गेजेरजो
फोरमायदो।

उदालगुरि जिल्ला समबाइ समिटिनि मुलाम्फागिरिफोरा बि टि आर सरकारनि हेंथायै खुद्रिखांदो

कलाइगाव, 21 जून: उदालगुरि जिल्लानि सिडव थानाय
कलाइगाव समबाइ समिटिआव बेसेन नाडाजासे एबा खम बेसेनजो
रेसन मोननाय मुलाम्फागिरिफोरनि सायाव (□ 5 बिलाइआव)

मुलुगनि गिदिरसिन बेसेन नाडै भेक्सिन थुनाय हाबाफारि

कामरुप जिल्लायव दिनेनि 11,689 सुबुंफोरखौ भेक्सिन थुदो

कामरुप/आमिनगाव, 21 जून: हादोतनि 18 बोसोर बैसोनि
देरसिन साफ्रोमबो सुबुंफोरनो कभिडनि भेक्सिन थुनाय हाबाफारिखौ
रोखा खालामनो थाखाय दिनेनिफ्राय (□ 5 बिलाइआव)

बासुगावनि गरुकुल नेसनेल स्कुलआव माहारियारि यगा सान फालिदो



बड'सा थान्दै, 21 जून: गुबुन गुबुन जिल्लाफोरजो लोगोसे दिनेनि
माहारियारि 7 थि यगा सानखौ बासुगाव सहरव थानाय गरुकुल
नेसनेल स्कुलनि लांगोनायाव फोरोगिरी आरो फोरोगिरीजोफोरजो
लोगोसे फरायसा-फरायसुलिफोरनि (□ 5 बिलाइआव)

कसुगाव मिरु हाग्रा बिफाना सिग्रोमनायनि गेजेरजो हाग्रानि अमा बेदरजो लोगोसे सानै मैहर खालामग्रा सुबुंखौ हमनो हादो

बड'सा, 21 जून: गसाइगाव
थानाय 5 जुननि मुलुग आवहावा
सानखालि आसाम सोरखारा
कसुगाव हाग्रामाखौ आसामनि
6 थि माहारीआरि पाके रायम'ना
माहारीआरि हाग्रामा फोसावनानै
होनायनि उनाव हाग्रा बिफाना
(□ 5 बिलाइआव)



तामुलपुरआव माहारियारि यगा सान फालिदो

तामुलपुर, 21 जून: बाकसा
जिल्लानि तामुलपुर
महकुमानि गुबुन गुबुन
जायगायाव गुबुन गुबुन
दोलो-आफादफोरनि
बान्जायनायाव खुंगा 7 थि
माहारियारि यगा सान
(□ 5 बिलाइआव)

बाक्सानि बागानपारायाव आइजोफोरा सोमावसारदो

गाव गसंथानाय आइजो, गाव गसंथानाय
आसाम, बिथांखियाव जाखल'नायनि अजद

बाकसा, 21 जून: बाकसा
जिल्लानि धमधमा जौगाखां
खोन्दोआव जाखल'थायनि
अजद सिखांदो। गाव
गसंथानाय आइजो, गाव
गसंथानाय आसाम बिथांखियाव
जाखल'थाय नुजाथिनायखौ
(□ 5 बिलाइआव)



ढेकियाजुलि बाथाचिपुराव रेलवे पेट्रलमेन कर्मसारिफोरा गावसोरनि बिबानखौ सरकारि खालामनांगौ आरो कर्मसारिफोरनि मोननोगोनां बेथनखौ बेंक एकाउन्टयाव रांखौ सोना होनांगौनि दाबि दैखांदो

बड'सा, ढेकियाजुलि 21
जून: ढेकियाजुलि बाथाचिपुराव
भारतीय रेल बिफाननि सिंयाव
रेलवे पेट्रलमेन कर्मसारिफोरा
अरायथा साखि खालामनो दाबि

,बेथनखौ नेमखाथिबायदियै
मोननांगौनि दाबि लोगोसे
बेथननि रांखौ गाव गावनि बेंक
एकाउन्टयाव सोना होनांगौ
होना गोखौ सोंखारिनायजो

लोगोसे दाबि दैखांयो।
मख'जाथावदि अरायथा जायै
कर्मसारिफोरा दानसेयाव 5
रोजारांल' थिखादारनि दारैसो
(□ 5 बिलाइआव)

बिस्राम न'नि बान्जायनायाव गुवाहाटीनि सिचि कलेजनि लांगोनायाव बिफां फुलि गायदो

गुवाहाटी, 21 जून: दिनेनि फुनि
बुब्लियाव सहमाइलयाव थानाय
कर्मश्री हितेस्वरि कइकिया
जुनियर कलेजनि लांगोनायाव
समाजारि आफाद बिस्राम न'नि
बान्जायनायाव आरो कलेजनि
बिबानगिरिनि हेफाजाबाव
बिफां फुलि गायनाय हाबाफारि
खुंफुंलाडो। बे हाबाफारियाव
बिस्राम न'नि जानानै प्रनब
कु मार तालुक दार आ
प्लाम बिफांनि फुलि गायनानै



हाबाफारिखौ बेखेवनायै होयो।
बेनि उनाव आसाम सरकारनि
(□ 5 बिलाइआव)

आसामाव एसभिएएम
आइ टि भिए बिथांखि
दाफामनायनि थांखिजो
बुजिलायनायनि
गोरोबथा खादो

बर' साहित्य सभानि गागि सोद्रोमा बाबुराम दैमारिआ रुंसारि जाबाय

बड'सा थान्दै, बासुगाव,
21 जून: 1952 माइथायाव
जोनोम जानाय बर' साहित्य
सभा गाइसनजेन्नायनिफ्रायनो
गोसो मोदोम जिउ होनानै
नांथाबबोनायनि अनगायैबो
बाथौ धोरामआव 1981
माइथायनि काउन्सिलार,
बड'सा गोजौ फरायसालिनि
बारग' आफादगिरि, चिदली
डेभलपमेन्ट ब्लकनि बारग'
नेहाथारि, बेंटल मोनसिसिं शिव
(□ 5 बिलाइआव)



दिसपुर, 21 जून: आसामआव
एस भिए एम आइ टि भिए
बिथांखि दाफामनायनि थांखिजो
दिनेनि आसाम सरकार आरो मिरु
सरकारनि सार्भे अफ इण्डियानि
गेजेराव जनता भवनाव मोनसे
(□ 5 बिलाइआव)

गसाइगावआवबो 7 थि यगा सानखौ मेहेर गोनाडै फालिदो

बड'सा थान्दै, गसाइगाव,
21 जून: मुलुगनाडै नो
7 थि हासियायारि यगा सान
फालिनायजो लोब्बा लाखिनानै
दिनेनि कक्राझार जिल्लानि
बेखनाव थानाय गसाइगाव
महकुमानि बेन्दोआव थानाय
गुबुन गुबुन जायगाफोरव यगा
सानखौ फालिनाय जायो।
दिनेनि बे 7 थि यगा सानखौ

आबुडै कभिड-19 नि बिथोन
होनाय बायदियै गसाइगावनि
मिउनिसिफाल कमिटिआ दिनेनि
गसाइगाव महकुमानि बेखनाव
(□ 5 बिलाइआव)



बाकसाआव गुबुन गुबुन बिफाननि बिबानगिरिजो मन्थि उखाव गोरा ब्रह्मआ सावरायलायदो

बाकसा, 21 जून: बाकसा जिल्लानि दिथागिरि मन्थि उखाव
गोरा ब्रह्मआ जिल्लानि गुबुन गुबुन बिफानफोरनि
बिबानगिरिफोरखौ लानानै बाकसा जिल्ला बेगिरीनि मावख'नि
सावराय न'मायाव दिनेनि मोनसे गोनांथार मेल खुंफुंलाडो। मेलनि
उनाव खौरांगिरिफोरजो मोगा-मोगि (□ 5 बिलाइआव)

बाकसा, 21 जून: बाकसा जिल्लानि दिथागिरि मन्थि उखाव
गोरा ब्रह्मआ जिल्लानि गुबुन गुबुन बिफानफोरनि
बिबानगिरिफोरखौ लानानै बाकसा जिल्ला बेगिरीनि मावख'नि
सावराय न'मायाव दिनेनि मोनसे गोनांथार मेल खुंफुंलाडो। मेलनि
उनाव खौरांगिरिफोरजो मोगा-मोगि (□ 5 बिलाइआव)



सुजुगिरिनि खोलोम

॥ ना-हांसो-दाव फिसिनानै गोबां रां खामायनो हायो, एफा-एनै रां फेनायाबो सैथो ॥

आबादयानो बर'फोरनि थाना थानायनि गिबि आरो गुदि फुंखा। आबादिन अनगा सादा-बुसा मावदामबलाग्रा गामियारि बर'फ्रा गुबुन माबा मोनसे मुलाम्फायारि गोनां खामानि दामानि मावनानै रांखाथियारि बिथा फसथानो आरो आबादखौनो गुबै राहा हिसाबै लायोब्लाबो गोनोंखोयारि आदोबजों आवगायनो हाप्रायाखे। अब्लाबो बुंनंगोन बर'फ्राबो आथिकालाव-फालांगिरि,मोजां आबादारि दैसे। फललांगिरिफोरनि बाध्राखौं गखाडबालानो मिथिंगायारि फुंखानिफ्राय मोन्नाय माखासे खाबु आरो देहानि बोलो बाहायनानै मावसोमनायनि गेजेरजों गामियारि रांखाथिखौबो गुस्लायनाय लाबोनो हासै। मुलाम्फायारि जानो राहा दैसे। बेफोरनि गेजेरव ना आरो हांसो-दाव फिसिनायाबो मोनसे। गुबैयै ना आरो हांसो-दाव फिसिनायनि मोजां समानो जादों दैज्जां बोथोर। दैज्जां बोथोर सौंफैब्लानो गामि ओन्सोलनि गोबां हाखर-हाला, गरखाय-दंगफ्रा अखानि दैजो दानब्रै-दानवासिम आबु लोमनानै थायो। बेफोर एरैनो गोरलैसोनानै थानाय हाखर-हालाफ्राव समबाय हिसाबै एबा गायारि हिसाबै बोथोरवनो ना फिसिनो हागौ। ना-जों लोगोसे जावजा आबाद हिसाबै हांसो फालोबो फिसिनायनि राहा खालामनो हायोब्ला रांखाथियारि फुंखाखौं एसे एनै बांहोनानै मिजिं खालामनो हागौ। दैज्जां बोथोरव थि बेखनथायनि गेजेरव दोन्नानै हांसो फिसिनो लायोब्ला दैयाव थाल्दानाय-साम'-खांखाइ, गुमा, बायदिसिना एम्फ्रै-एनलाफोरखौनो गोजेम-गोजेम जानानै थानो मोजां मोनो हांसोया। जाउनाव गोबां आदारनि गोनांथि जाया। बिब्दिनो हाखर-हालानि फोसाबम्राडेहाग्रा-बंग्रा, दाखोर-दालाफ्राबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फेया। मानो होनोब्ला बेफोरव नानि थाखाय गोबां आदार ज' जानानै थाखायो। बेखायनो बेफोरखौं सिगां नोजोर थिग्रोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनायनि बे गोलै राहाजों बाडाइ खरसा आरो बाडाइ समनि गेजेरवनो गरफा-गरनै खामायनायनि लामा ओंखारो। गोलै दिखुरा हांसो फिसानि थाखाय ना फिसिनाय बादिनो सोरगिदिं जेवरनि गेजेरव सम सम आरो बाइजोयावबो सम लानानै हगारलाय-थिसनलाय खालामना होनायनि राहा लायोब्ला गोखे देरनो बोलो मोनो। आथिकाल ना-बेदरनि साहिदा बांनय आरो बायारलाबनाय बेसेनखौं नोजोर होनानै ना-हांसो फिसिनायजोंबो रांखाथियारि बिथिडे गोखों जानो हायैनि बाध्रा फेया। नाथाय बेफोर आबादजों गोबां मुलाम्फा जायैआ सैथो, नाथाय बेकारफोरनि थाखाय साखि-बाखि जासादि आखायनि खरसा फेनायाबो सैथो। आथिखालाव रोजा-रोजा बेकारफोरखौं सरकारि मावफारिया थिसनानै जेनाखौं सुफुंनंगौया गोब्राब होनानै नुहरखानाय। बे बिथिडे-सरकारि मावफारियाखौल' नेनानै थारस्त्यायसाय बाडाइ सम आरो एसेल' खरसाजों गोलै गोलै बिथाखि लानानै रां खामायनायनि राहा लानानै सरकारि अनुसुंथाय मोन्नायनिबो सरकारि मावफारिया, बिबानगिरिफोर जों सोमोन्दो लाखिनाया गोनांसै।

दिनैनि फानजामुथि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** न'नि माबाफोर मुवा गोमाबायनो हागौ। जैरेबो सांग्राडे नोजोर होनांगोन।
- वृष:** रंजा-बाजा खालामनानै समखौं हगार हरनो हागोन। फारफ्रोमथिबो गोजोन्यायखौं मोनगोन।
- मिथुन:** माबा मोनसे जाथायनिफ्राय रैखा मोन्नो हागोन। गोसोखौं सांथि मोनगोन।
- कर्कट:** बोरैबाफोर उदेफोर सानाय सिखांबायनो हागौ। जानायजों लोगोसे देहाखौं सांग्राडे लाखिनगोन।
- सिंह:** मानिबा दायआव खाजानो गिखानाय मोनगोन। गोसोखौं लोरबां खालामनो नाडा।
- कन्या:** जेखि जाया धैय्य हमनानै सोलिनांगोन। सान्नाया जाफुनो हागौ। मोजां सान।
- तुला:** फारफ्रोमथिबो जिंगा सिनांनो हागौ। सांथिखौं मोन्नाय नडा। जेखियानो जाया गोसो हमथा।
- वृश्चिक:** सोरनिफ्रायबा माबाफोर मोनंगौ दंबा मोन्नो हागोन। गोसोखौं गोजोन मोनगोन।
- धनु:** माखौबा लानानै गोसोखौं गात्रि मोनखानो हागौ। गोजोन्याय गैयैजों समखौं हगार हरनांगोन।
- मकर:** मोजां रोंग'थि जानो हानायनि थाखाय मान बयजोंबो होजागोन। गोजोन्यायखौं मोन्नो हागोन।
- कुम्भ:** जेखि मावा फालांगियाव रां मुलाम्फा खालामनो हागोन। फारफ्रोमथिबो मोजां।
- मीन:** माखौबा लानानै सोरजोंबा नांलाय लायनाय जानो हागौ। गोसो हमथायायनाया गहाम।

सपरआव सांथि हान्जा आरो उतखारिफोरनि गेजेरव गावलायदों

गोदान दिल्ली, 21 जुन: जम्मु-काश्मीरनि सपरनि गुन्डबाठ ओन्सोलाव उतखारिफोर आरो रैखाथि सांथि हान्जानि गेजेरव गावलायनाय जादों। सुलुडव फोरमायनाय बादिब्ला, रैखाथि सांथि हान्जाया बे ओन्सोलाव सा 3 उतखारिफोरखौं बेंखन्दों। मिडिया रिपर्टनि बादिब्ला, सपरआव रबिबारखालि उतखारिफोर रैखाथि सांथि हान्जानि सायाव हरखाबै फाइरि खालामदों। फोरमायनाय बादिब्ला, पुलिस सांथि हान्जा आरो सिआरपिएफनि मोनसे संयुक्त हान्जाया ब्राथ सेल' ओन्सोलखौं बेखन्दों आरो खना-खनला सिग्रोमनाय अभियानखौं जागायदोंमोन। जेब्ला जवानफोरनि संयुक्त



हान्जाया सन्देह खालामथाव जायगानि फासैं आवगायलाडो अब्ला थाखोमानानै थानाय उतखारिफोर रैखाथि सांथि हान्जाफोरनि सायाव गुलि गावनायखौं जागायदों। रैखाथि सांथि हान्जानि जवानफोरा अ ० = स ० ल ख ० फारफ्रोमथिनिफ्रायबो बेंखन्दों।

यग दिबस : 18000 फुटनि गोजौआव आइटिबिपिनि जवानफोरा यग खालामदों

गोदान दिल्ली, 21 जुन : दिने 21 जुनाव मुलुगनाडे 7थि हारिमायारि यग दिबसखौं फालिनाय जादों। बेबादि थासारियाव हादतजों लोगोसे आइटिबिपि जवानफोराबो लाहाखआव 18,000 फुटनि गोजौयाव यग खालामदों। बेनि माखासे सावगारिफोराबो सोराडव फेदों। सावगारिआव जवानफोरखौं बरफआव मेट बनानै यग खालामनाय नुनो मोन्दों। मख'नो गोनांदि, 6 बोसोर सिगां गहाय मन्थि नरेन्द्र मदिनि सान्नाय हनायनि सायाव इउएनआ 21 जुनखौं हारिमायारि यग दिबसनि महराव फालिनो गनायथि



होदोंमोन आरो आथिखालाव बेयो मुलुगनि गासिबो हादतफोराव गोसार हैदों। बे समाव गहाय मन्थि मदिआ बयनिखुइबो सिगां हादतनि नोगोरारिफोरनो यग दिबसनि गहाम हामलायथि बावहरदों आरो सुबुफोरनि सिगाडव बुंदों, करना जेनानि समाव यगआनो आसानि सोरां। आथिखालनि समाव कौटि कौटि सुबुफोरा यगनि फासैं आगुनिफ्राय बांसिन थुलुं गाखांदों। 7 थि हारिमायारि यग दिबसनि खाबुआव यगी, सन्त आरो यगनि गोनांथिखौं लानानै खौरां होदों।

हवाइट हाउसआव अशरफ गनीया बाइडेनखौं लोगो हमगोन



वासिंटन, 21 जुन : आमेरिकानि हादतगिरि ज' बाइडेनआ आफगानिस्ताननि हादतगिरि अशरफ गनी आरो हाइकमिसनरनि जिइअ डाक्टर आबुदुल्ला आबुदुल्लाजों हवाइट हाउसआव फेगौ 24 जुनखालि लोगो हमज्जलायगोन। बे खौरांखौं हादतगिरिनि बुंथिगिरिया मिथिहोदों। हवाइट हाउसनि प्रेस सेक्रेटारि जेन साकोया रबिबाराव फोरमायोदि, आफगानिस्ताननिफ्राय आमेरिकानि सांथिफोरखौं लाबोफिन्याय हाबाफारिनि गेजेरवनो हादतगिरि गनी आरो डाक्टर आबुदुल्ला हवाइट हाउसआव फेगोनआ आमेरिका आरो आफगानिस्ताननि गेजेरनि गोथौ सोमोन्दो एबा हेफाजाब होज्जलायनायखौं दिन्थिगोन। बियो फोरमायबावोदि आमेरिकाया आफगानिस्तानखौं उतखारिफोरनि खुलि जाहोनाय नंला आरो बेयो आफगानिस्तान राजखांथियारि, रांखांथि आरो गुबुन मदत होनो थाखाय अराय थियारि।

आटलान्टा, 21 जुन : आमेरिकायाव जानाय लैथोमनि बारहुंखा क्लाउडेटजों सा 10 गथ'फोरजों लोगोसे सा 12 सुबुंफोरा थैदों। लैथोमायाव सोमजिखानाय गोजौ दोही आरो अखानि जाहोनाव बोरिमा ओन्सोलफोराव दै बाना जादों आरो दर्जन न'फोरा ख'हा जादों। बारहुंखानि गोहोमजों मन्टुमुरी सहरनि खोलायाव सा 9 गथ'फोरजों लोगोसे सा 10 सुबुंफोरा थैदों। बेवहाय गसै गं15 गारिफोराबो सिलिंखार जादों। थैनाय सा 8 गथ'फोरा बारहुंखानि गेजेरव गंसे भेनआव गाखोनानै थानोंमोन, बे समावनो भेनआ गोथौ हाखरआव गोरलैहैयो। बे गथ'फोरा 4 बोसोरनिफ्राय 17 बोसोरनि गेजेरनिमोन। सा 2 सुबुंफोरा गुबुन मोनसे गारिनि जाब्रबथायाव थैयो। बेवहाय सासे 29 बोसोरनि आइजो आरो 9 दाननि बिनि फिसाजों दड्मोन। बारहुंखा अखाबारनानै होनायाव दर्जन सुबुंफोरा जोखोमबो जादों। बारहुंखानि



जाहोनाव मिसिपिनि बोरिमा ओन्सोलाव 30 सेन्टिमिटर अखा हानायनि रेकड खालामनाय जादों। बे समाव फ्लरिडयाव 1 घन्टायाव 137 किल'मिटरनि गोखों बारहुंखा बारनाया सोलिदों आरो 18 साखा थानाय गंसे ट्राकआ लुंखलेंयलांदों। जर्जियानि साहा ओन्सोल केर'लिना नर्थ केरलिना, अलबामा आरो फ्लरिडानि माखासे ओन्सोलफोराव दै बाना जादों। बे बारहुंखाया बै समाव फेदों जेब्ला सुबुंफोरा कभिडजों एसे रेहाय मोन्नानै सप्ताहनि जोबथायाव लैथोमनि बोरिमायाव दावबाय फेदोंमोन। बारहुंखा बारनाय समाव बिसोरो गाव गावनि न'फोरनि थाखाय फेफिन्दों नाथाय लामायाव थावथादों। बे समावनो लामायाव जाब्रबथाय जादों। बटलर काउन्टिआव बयनिखुइबो बांसिन लामानि जाब्रबथाया जादों।

गुबे लक्ष्मीनाथ बेजवरुवा राव सोलायदों ए.के. ब्रह्म

मोनसे गामियाव सासे मानसिहा सानै समायइना फिसाजो दंमोन। नेवथोननि मुडा रुपेस्वरी आरो आन्जायनि मुडा गुणेश्वरी रुपेस्वरीहा हाबा जानायनि बैसो जानायलाय बिफाआ गामियाव गोबां खानबाइरा हमनानै हौवा गोदान नागिरनो हमनायसै, नाथाय हिन्जावनि जरा-जुलि नागिरना मोनाखिसै। बेखायनो गोजाननि गामियाव हौवा गोदान नागिरनो होन्नानै बिफाआ आगान सुरनो हमनायसै। एसेयावनो रुपेस्वरीनि बिमाया फिसाइखौं बुंनयसै, नोंथाडा गोजानाव हौवा गोदान नागिरनो नाडा, गोजानाव आं फिसाजो हाबा हरा। खाथियावनो हाबा होब्ला आं जेब्लाबो नुफ्लेबाय थागोन, गोजानाव हरब्ला बेयो माब्रै जानो? फिसाइआ बिसिनि खोथा एंगारनो हायैनि खाथिनिनो सासे सेंग्राजों फिसाजो रुपेस्वरीखौं हाबा होनायसै।

दाउ खाना

हाबहैगोन। बियो बेखौनो खालामनायाव मोसौआ थानानै गावनि सिगांनि गलियाव हाबहैनायसै आरो गावबो बेनि लान्जायाव हमफानानै थानानै बेवहाय सौहैनायसै। एसेयावनो बिहाउआ बिजामादैखौं नुनानै सौनायसै, बियो जावयैसोना? बिजामादैआ फिन्यायसै, नोंथाडा मोसौखौं बिहरदों खोनानानै लाबोना गलियाव खाफेबाय। बेनि उनावबो बिजामादैखौं ओंखारबोथि नुना बिहाउआ माथो होबावनायसै, फेदो, ओंखारबोदो, बेव मा खालामदों? आखाय-आथि सुनानै जिरायना खबसे ओंखाम जादों। जायाब्ला दाथां। बिजामादैया फिन होनायसै, मोंथांमोननि गलियाव माबेसे मोसौ दं, बेखौसो सानगासिनो आं दा। बिहाउआ बुंनयसै, माथो सानांगो जालायखो? रान्थें, रात्रिं-खुत्रिं मोसौफोरसो दंसे, मोजांफ्रा दबखा जानानै थैलांजोब्याय। बिब्दि होन्नानै

गुणेस्वरीआ बे खोथाखौं खोनानानै बिगुमैया जंखायदोंसो सान्ना बिगुमैनि आथि सुनानै होना आखायाव हमना लानानै जिरायनो दारह्ण बनानै जिराय होन्ना बेवहायनो फजनायसै। बिजामादैया बिबादि जनानै थानायनि उनाव ओंखार जानो सम सनायसै। बिहाउआ ओंखाम जानो जनायसै। बिखुनजोया बिजामादैनो ओंखाम खुरनानै होना जनानै दंगासिनो, बियो बिजामादैखौं ओंखाम जानो गाबत्रिदों नाथाय बियो सिखारबोयाखै। गोबारै गाबत्रिनायाव बिजामादैआ फिन होनायसै, दिनें आंहा जोबोरै मेंदों, सिखारनोना हाया, नोंथांमोनहा आंखौं अनोब्ला बेवनो ओंखामखौं लाबोदो, जानोसै आं। बिजामादैनि फिन्यायखौं खोनानानै बिखुमजोया ओंखाम लाबोना होफेनायसै। ओंखाम लाबोबाय नाथाय बियो मेगनजों नुवा। जायाबला थाबाय थानायसै। बेखौं नुनानै गुणेश्वरीआ माथो होनायसै, जादों, गुमै जादो। बिगुमैआ फिन्यायसै, नों ओंखामआव आनि आखायखौं फोनाब्लासो जागोन। नडब्ला (4 बिलाइआव)

हारिमायारि यगा साननि हाबाफारियाव आबादारिफोरा 30 जुनआव आरोबाव धर्ना होबावगोन गाहाय मन्थ्रि मदिया बाहागो लादों

गोदान दिल्ली, 21 जून : 7थि हारिमायारि यगा सानआव खुंनय हाबाफारियाव सोमोन्दो लानानै गाहाय मन्थ्रि नरेन्द्र मदिया बुझेदि, यगाया जोंखौ स्ट्रेस एबा देहाजों लोगोसे गोसो मेलेमनि मेंनायनिफ्राय स्ट्रेन्थ एबा गोखों आरो नेगेटिभिटिनफ्राय क्रिएटिभिटि थामहिनबा गात्रि सान्नाय-हनायनिफ्राय मोजां सान्नाय हनायफोरनि लामा दिन्थियो। बेयाव गाहाय मन्थ्रिया गुबुन गुबुन रावआव यगानि सोलेंथाय होनो थाखाय एमस यगा एप लन्स खालामनोबो फोसावो। गासै मुलुगनि हादतफोराव आरो भारतआव नै बोसोरनिफ्रायनो जेबो गिदिर राइज्योआरि हाबाफारि खुंनय



जाहायाखैब्लाबो यगा साननि फासै थुलुगाखानाया एसेबो खम जायाखै। हाबाफारियाव सोमोन्दो लानानै गाहाय मन्थ्रिया बुंबावोदि जेब्ला करनानि नुनो मोनै भाइरासया मुलुगाव नुजाथिदोंमोन अब्ला रावबो हादतआनो जोन्थोर, गोसोनि

बोलो गोहोजों थियारि नडामोन। बे बायदि समाव यगाया गोसोनि बोलोनि थाखाय मोनसे गिदिर राहा जाना फेदों। यगाया सुबुंफोरनो फोथयनाय होयोदि, जों बे इनफेक्सनजों जुजिनो हागौ। बे खेबआव यगा साननि आयदा

यगा फर वेलनेस एबा गाहाय देहानि थाखाय यगाया कौटि कौटि सुबुंफोरनियाव यगानि थुलुगाखानायाखौ बांसिनहोदों। दिनेनि बे यगा सानआव बेखौ आर 'ज गाबोदि, दरफ्रोमबो हादत मोनफ्रोमबो समाज आरो साफ्रोमबो सुबुंआ गोगो देहाया थादों, बयबो खौसे जानानै गुबुन सासेनि गोहो जादों होन्नानै मदिया बुझे। आथिखालाव मेडिकेल साइन्स आबो फाहामथाय होनायजों लोगोसे हीलिंआवबो एसेबानो गोसो होयो आरो यगाया हीलिं प्रसेसआ बान्जाय जाथाव। गोजोन्थावदि यगानि बे हाबाफारिनि सायाव मुलुगनि जरखाफोरा गुबुन गुबुन रोखोमनि साइन्टिफिक रिसार्चबो खालामदों। भारतनि ऋषिफोरा भारतनि गहाम देहानि बाश्राखौ जेब्ला बुदों, बेयो खालि देहा सोलेयारि गहाम देहानिल' बाश्रा बुंआखै। यगायाव देहा सोलेयारिजों लोगोसे मेलेमारि गहामनि थाखायबो एसेबानो गोनाथि होदों होन्नानै गाहाय मन्थ्रि मदिया बुझे।

गोदान दिल्ली, 21 जून: हादरआव करनानि गोखैथिया खम जाबाय। बांसिन राइज्योफोरा लासै-लासै आनलकनि फासै आवगायबोदों। बे खेबआव आबादारिफोराबो सरकारनि हँथायै धर्ना होनो थियारि खालामदों। हादरआव आबादारिफोरनि हँथा धर्ना होनाया सोलिलदों। हादरनाडै सोलियाय हँथा धर्ना होनाया गासै 7 दान जासिगोन। बेबादिआव आरोबाव खनसे आबादारि धर्ना होनायाव गोखैथि खालामनाय जादों। बेखौ नोजोर होनानै आबादारिफोरा 30 जुनखालि आरोबाव खनसे हँथा धर्ना होनो थियारि जादों। संयुक्त किसान मर्चाया 30 जुनखालि हादरनाडै गासैबो धर्ना होनाय जायगाफोराव आबुं क्रान्ति सान फालिनो थांखि लादों। मिरु सरकारआ पास खालामनाय मोनथाम आबाद आइननि बेरेखायै आबादारिफोरनि धर्ना होनाया 7 थि दान जासिगोन। आबादारिफोरनि बादिब्ला, जायगानि ओन्सोलफोरनि सुबुंफोरा 30 जुनआव जानो



गोनं आबादारि हँथा धर्ना होनाय हाबाफारिखौ मदद खालामगोन। संयुक्त किसान मर्चाया बुंदोंदि, 30 जुनखालि जनजातीय ओन्सोलफोरनि सोद्रोमाफोरखौ धर्ना होग्रा जायगाफोराव लिंहरनाय बादब्ला, गावसोर सुकमा आरो बिजापुर जिल्लाफोरनि सिमनायाव थानाय गामि सेलागुरनि आदिवासिफोरनो

गावसोरनि आबुं हेफाजाबखौ होदों। जाय सुबुंफोय ओन्सोलाव सिआरपिएफ केम्प गायसनायनि थाखाय सरकारनि थांखिनि हँथायै दावहा नादों। बे हा बाहागोखौ रेफारेल गैयाजासे लानाय जादों। बेजों लोगोसेनो संयुक्त किसान मर्चाया हारियानायाव बिजेपि दैदेनगिरिफोर, जजपा दैदेनगिरिफोरनि हँथायै गोजोनै धर्ना होनायखौ सोलिहोनो

आरो दैदेनगिरिफोरनि हाबफेनायनि हँथा खालामनोबो थांखि लादों। बेनि अनगायै एआइकेएस, एआइएडब्लिउड आरो सिआइटिइडनि मावसुमाफोरनि मोनसे गिदिर हान्जाया रबिबारखालि सिन्धु बर्डर ओन्सोलनि धर्ना होग्रा जायगायाव सौहेंदों। बेबादिनो आरोबाव माखासे धर्ना होग्राफोरा गाजिपुर आरो टिकरी बर्डर ओन्सोलफोराव सौहेंदों।

भारतआव करना पजिटिभनि जौखोन्दोआ दावखलायगासिनो दड



7,02,887 करनानि एक्टिभ केस दड। मिरु देहा मावख'नि बादिब्ला, थानाय 24 घन्टयाव सा 78,190 करना बेरमिफोरा डिससार्च जादों, जायखौ लानानै करना भाइरस सन्देरजानानै मोजों जानायफोरनि अन्जिमाया सा 2,88,44,199 जाहैबाय। मावख'नि फोरमायथि बादिब्ला, आथिखालाव हादरनि सानसेयारि पजिटिभनि जौखोन्दोआ 3.83 आरो सप्ताहयारि हारआ 3.32 जौखोन्दो आरो रिक्भारि हारआ 96.34 जौखोन्दो जाबाय। हादरआव गासै 28,00,36,898 सुबुंफोरा भेक्सिननि ड्रप लाखाबाय आरो थानाय 24 घन्टयाव 30,39,996 ड्रप थुनाय जादों। आइसिएमआरनि बादिब्ला, 20 जुनसिमआव 39,24,07,782 सेम्पलखौ करना टेस्ट नायनाय जादों।

गोदान दिल्ली, 21 जून: हादरआव कभिड-19 नि केसआ लान्थ्रियै नो दावखलायगासिनो दड। समबारखालि फुडव मिरु देहा मावख'आ फोसावनाय अन्जिमा बादिब्ला, थानाय 24 घन्टयाव गोदान करना केस मोन्नाया थानाय 24 मार्चनिफ्राय बे सानसिमनि बयनिखुइबो खमसिन जादों, बेराफासै

करनाजों थैनायनि अन्जिमाया बे सानखालि 2,000 नि गाहायाव दावखलायदों। भारतआव थानाय 24 घन्टयाव गोदानै 53,256 करना केस मोन्दों आरो सा 1422 बेरमिफोरा जिउ गोमादों। बेखौ लानानै हादरआव करना पजिटिभ मोन्नाय अन्जिमाया 2,99,35,221 जाहैबाय आरो गासै सा 3,88,135 आ जिउ गोमाबाय। आथिखालाव गासै

भारतआव थियेटार कामान्डखौ दाफुंनया गोबाव जाबावनो हागौ

गोदान दिल्ली, 21 जून : भारतआव थियेटार कामान्डखौ दाफुंनया थाबथाना थाबोबाय थादों। थानाय बोसोराव खौरा मोन्नाय जादोंमोनदि भारतआ आमेरिका आरो चीन हादतफोरा बादि थियेटार कामान्डखौ दाफुं गोन। नाथाय मोन्थाम सान्थ्रि हान्जानि गेजेराव दान्थे-बिदान्थे जाबाय थानायनि जाहोनाव बेयो दासिमबो जाफुं साराखै। बेजों सोमोन्दोआव चीफ अफ डिफेन्स स्टाफ जेनेरेल बिपिन रावतआ मोनसे जथुमा खुदों। खौरा मोन्नाय जादोंदि, बे हाबाफारिया गोबाव जाबावनो हागौ। मख'नो गोनांदि, माखासे मिडियानि रिपर्टआव इसारा होदोंदि, 'रैखाथि मावख', हा सा बाहागोन सान्थ्रि आरो



भारतीय नेभी थियेटार कामान्डखौ दाफुंनयाव फुरायै थियारि जाबाय। नाथाय भारतीय अख्रामा सान्थ्रि हान्जाआ बेनि हँथा जादों। अख्रामा सान्थ्रिया कामान्डनि मुं दोन्नायाव अजद होदों। थियेटार कामान्डनि ओंथिया जादों मोनसे ओन्सोलाव हा सा बाहागोन सान्थ्रि, अख्रामा सान्थ्रि आरो नेभि, मोनथामबो इडनिटखौ मोनसे थिएटर कामान्डारनि

सिडव लाबोनाय। बे इडनिटनि अपारेसनाल कामानआ जाय अफिसारनि आखायाव हान्जानि गेजेराव सोरबा सासे बिबानगिरिनाव थानो हागौ। थिएटर कामान्डखौ गायसननायजों, बेवहाय गिदिर फारागथिखौ नुनो मोन्नाय जागेनिदि जाय बिबानआ सोरबा सासे बिबानगिरिनाव थाब्ला बेखौ गुबुनआ आखायाव लानो हानाय नड।

पि चिदाम्बरमआ जम्मु-काश्मीरखौ आबुं राइज्योनि गोहो होनो दाबि दैखादों



गोदान दिल्ली, 21 जून: कंग्रेसनि गागि दैदेनगिरि पि चिदाम्बरमआ जम्मु-काश्मीरखौ गासै राइज्योनि गानायथि होनायनि दाबि दैखानानै मैया बुझेदि, संसदनि जानो गोनां दैज्जानो बोथोरनि जथुमआव जेना गोनां आइनफोरखौ बोखारनानै बैयाव सिगानि थासारिखौ सोलिहोफिन्नांगौ। मख'जाथावदि, बारग'नख'र मन्थ्रिआ मिरु सरकारनियाव गाहाय मन्थ्रि नरेन्द्र मदिनि फासैनिफ्राय 24 जुनआव

जम्मु-काश्मीरनि राजखान्थियारि दोलोफोरनि जथुम लिंनयनि सिगां-सिगां बे दाबिखौ दैखादों। चिदाम्बरमआ ट्वाइटाव बुंदोंदि, कंग्रेस पार्लिनि आखुआ सिगाडाव जेरैमोन बेखौनो लानानै दाबो फिन बुझेदि, जम्मु-काश्मीरनि आगुनि बिमुंखौ सोलिहोफिन्नांगौ। बेयाव जायखि-जाया सन्देह एबा रोखा नडै बाश्रा थानाडा। चिदाम्बरमआ बुंदोंदि, जम्मु-काश्मीरखौ दरसे राइज्योनि संबिजितनि

गेजेरजों बानायनाय जादोंमोन, बेखौ संसदनि जायखि-जाया बिथोनमानि गेजेरजों संबिजितनि नेमखान्थिखौ आइन बेरेखायै आरो गोरोंथि खे'फोरथि होनानै सोलायनो हाया। मख'जाथावदि, जम्मु-काश्मीरनि जेनाखौ सुप्रिम कर्टआव सेलेन्स होदोंमोन आरो बे केसआ थानाय नै बोसोरनिफ्रायनो थाबथानानै दड। जम्मु-काश्मीरआ दरसे राइज्योखामोन, जाय रादायनि लेखा बिलाइयाव मुंसाइ होदों आरो भारतजों हाबफेदों। बेयो अराय बै थासारियावनो थानांगौ। जम्मु-काश्मीरआ रियेलएस्टेटनि बाहागो नड। जम्मु-काश्मीरनि सुबुंफोरा बेनिनो थागिबिखा। बिसेरनि मोन्थायफोर आरो गोसो हास्थायनायफोरखौ सन्मान होनांगौ।

करनानि डेल्टा भेरिएन्टआ चीननि मेनुफेक्सारि हाबआव गोसारदों



बेइजिं, 21 जून: चीननि बयनिखुइबो बांसिन सुबुं अन्जिमा थानाय गुआंङ राइज्योआबो कन्ना इन्फेक्सननि बेन्थ्यायाव फेब्राय। बेयाव डेल्टा भेरिएन्टखौ मोन्नायनि उननिफ्रायनो करनानि केसखौ बांसिनाय नुनो मोन्दों। बेखौ नोजोर होनानै बेयाव आबुं होबथानाय जादों आरो सुबुंफोरखौ टेस्ट खालामनाय जादों। मोनफ्रोमबो सहस्त्रआवनो टेस्टनि राहा खालामनाय जादों।

मख'जाथावदि, मुलुगनि दर 70 हादरफोराव डेल्टा भेरिएन्टखौ मोनबाय। हुआ गासै मुलुगखौनो सांग्राथि होनानै सिगानि गासैबो भेरिएन्ट एबा स्ट्रेनफोरनिखुइ बेयो गिखं थावसिन होन्नानै फोरमायथिदों। ब्रिटेनआव बे भाइरासनि केसआ गोबां बांबोबाय। आमेरिकायावबो बे भेरिएन्टनि गोबां बेरमि मोन्नाय जादों। चीननि सा-सान्जा ओन्सोलाव 2020 नि डिसेम्बरनिफ्राय 2021 नि जानुवारीसिमाव 1,150 केस मोन्दोंमोन। बेनि उननिफ्रायनो दासिमाव बेयाव गिबि खेब इन्फेक्सननि गोबां केसआ सोराडव फेदों। मख'जाथावदि, गुआंङ राइज्योआ चीननि गंसे मेनुफेक्सारि हाबबो। बेनिखायनो बेयो बाइजोनिफ्रायबो गोबां सुबुंफोर फेयो आरो कार्गआबो गोबां फेयो। आथिखालनि थासारिखौ नोजोर होनानै खुंथाया बुंदोंदि, थानाय साननैयाव गुआंङनि राजथावनिआव गोदान केस मोन्नाय जायाखै। नाथाय गुबुन जायगाफोराव फारियैनो करना केसखौ मोन्गासिनो। चीननि जर'खाफोरा बुंदों, गुआंसुआ करना भाइरासनि डेल्टा भेरिएन्टजों भुगिनादों। गुबुन राइज्योफोरावबो आरो सहरफोरावबो थासारिआ गिखंथाव जानो हागौ होन्नानै जर'खाफोरा सांग्राथि होदों।

गुगलनि मददजों बिसिआ बयफ्रेन्डजों लोगोसे फिसाइखौ बुथारदों

मध्य प्रदेश, 21 जून: मध्य प्रदेशनि हरदाआव मोनसे गिखंथाव जाथाया सोराडव फेदों। थानाय 17-18 जुननि हरदाव सासे लाइमोनखौ बुथारनाया रोखा जादों। बुथारजानाय लाइमोननि बिसिआ गावनि बयफ्रेन्डजों लोगोसेयै मुगैथावना बे हाबाखौ मावदोंमोन। जेराव बुथारनाय केसनि सुखानाय हाबायाव गुगलआ गोबाडेनो मदद होदों। मख'नो गोनांदि, बुथारजानाय लाइमोननि बिसिआ बुथारनायनि खैसार सानायाव गुगलनिफ्राय गोबां मदद लादोंमोन। जेब्ला बनि फननि सार्च हिस्ट्रीखौ संदानो अब्ला फिसाइखौ बुथारनायनि केसआ आबुडैनो सोराडव फेयो। 42 बोसोर बैसोनि महम्मद आमिर खानआ थानाय 17-18 जुननि हरदाव बुथारजायो। सिभिल लाइन स्टेसननि इनसार्स राजेश साहुआ फोरमायनाय बादिब्ला, बुथारजानाय सुबुंनि बिसिजों सांन्या-फिनाय खालामनाय समाव बनि फासै सन्देह जादोंमोन। जेराव बुथारजानायनि बिसि आरो बयफ्रेन्डआ कल लगनिफ्राय माखासे डिलेट



खालामदोंमोन आरो इन्टरनेट मिडियानि गेजेराव सावरायनाय बाश्राफोरखौबो डिलेट खालामदोंमोन। बेनि अनगायै थैनाय सहनि सायाव पुलिसआ माखासे दागो मोन्दोंमोन,

जेराव बिसिआ साखाथिनि रुमसिम खोनहैनाय सोदोबनि राहाफोरखौ आबुडैनो बन्द खालामदोंमोन।

No. ACE-27/TECH/KOJ/IFB/2016-17/P-1/57
 PRESS NOTICE / IFB
 TENDER NO. 09 OF 2020-21 (R)
 The Addl. Chief Engineer-cum-Director, PWD, BTC, Kokrajhar re-invites bids for "Construction of Vertical Extension of the Office building 2nd Floor of the Joint Director and Deputy Director of Economics & Statistics at Kokrajhar Bagicha, Kokrajhar under SOPD for the year 2019-20" under Kokrajhar District for a bid amount of Rs. 50,86,113.00 (Rupees fifty lakh eighty-six thousand one hundred thirteen) only (Approx), from the registered contractors of Class - II & Class-I (A,B & C) category of Assam, PWD (Building)/BTC.
 Details may be seen at website <http://assamtenders.gov.in> and also at the office of the undersigned during office hours.
 Sd/-
 Addl. Chief Engineer-cum-Director,
 PWD, BTC, Kokrajhar
 IPR(BTC)-83/2021

फोलानाय

जेब्ला आं नोंखौं सान्दोमोन
सिरिसे गुसु बारा बारफैदोमोन
जेब्ला आं नोंखौं नुयो आंनि सिमाडव,
आं उन्दुनायनिफ्राय सिखारनो लुबैयाखैमोन
जेब्ला आडे हारसिडे,
आं नोंखौं मिथियो मोकथाडव आंगो आंनि ।
जेब्ला नोडे आंगो आंखौं,
आं गासिखौंबो बावो ।
नाथाय जेब्ला आं नोंखौं दानो नागिरो
नों बारजों गोमोर लाडे ।
यै आंनि मोजां मोन्नाय
बबाव दड-नोडे ?
आं गिखांदोमोन
नों गोहो बोलो नागारनानै फे,
आं हारसिडे ।
आं नोंनि गोनांथार फेलें जानाय आरो
थारैनो मोजां मोनो आं नोंखौं ।

मुस्रि अशक बसुमतारि
गामि - यफालगाव,
ला:सो: - कक्राझार
बंसिगाव गोजौ फराइसालि

गोदान मुगानि सिख्ला

नाड-नाड आं,
दानि जुगनि सिख्लाफोरखौं
दानो लुनो रोड गारा;
देलाइ मांग्रि नोंसोर
थगाइ सुलि ?
थाथिखि नों थिफुदलि
फोथाय जाला दानि सिख्लाफोरखौं
हाइ ! हाइ ! मा ?
आजि खालिनि सिख्ला देलों
लाजिसो गारसै आं
सि-सि-सि...
गारि मटर साइकेल सालाइनाय
नुक्ला थाइ हाइ ! हाइ !
खारफासो गारसै,
मिथिया नोंसोर ?
दंनइ गैयै सिनायआ
मटर साइकेल सालाइनाय
मानसिमोन, नामा ?
नोंसिनि मेगनाव
लाजिया नोंसोर ?
गन्थं गैया नोंस्रा
साइकेल सलायग्राया मानपि
नडमोन नामा.... ?

मुस्रि मामु मोसाहारी
आफलागाव गोजौ फराइसालि ।
गामि - पदमाबिल ।
ला:सो: - आफलागाव ।
जिल्ला - कक्राझार ।

रमान्टिक लाभ

सानदोमोन आं रमान्टिक लाभ
नाथाय जानांबाय अनजालि
फानदाय सुलिनि फान्दायनायाव आस'खान्दा
जिउनि गोथौ लैथोआव गब'बाय ।
सानमिफोरा गोजाव लांबाय
लैथोनि गोजौ-गाहाय गुथालाव
हास्थायनायफोरा गोदोलांबाय
गोसोआव रिफिबाय र'जेनि हायना ।
सहायनो हालिया बोदोर गोसोआ ।
फागुननि सिउ सिउ बारआव गोजाव लांबाय
गावसाबाय बिखाया आसारनि सोगोमनायाव
देहायाव गैलिया थाजिम सान्नाय
जिउनि लोगोरि सिमांनि रानिआ
खालामलांबाय फोथायखेबस'
खामगिलबाय गोरबोआव जुजायनि अर
सानाखैमोन सनानि देरायाव नुस'हायै बालाबारि
रमान्टिक लाभआव जानांबाय आं हालाय-हाफाय ।

पुष्य बसुमतारि
सालबारी गोजौ फराइसालि ।
थाखो - जि (10) ।
ला:सो: - सालबारी पलासपुरी ।
जिल्ला - बागसा

आंनि जिउनि मिजिं

आंनि जिउनि दोंसे खन्थाइ
आंनि गोसो गोबोनिफ्राय गबोनाय
आंनि बे खन्थाइ ।
नोंखौं नेनानै दं आं आदा
नाथाय मानो नुवा आं नोंखौं
नायनो लुबैब्लावो ।
मोजां मोनो आं नोंखौं
गोसो मोदोम जिउ होनानै
सानबाय थायो आं मिजिं
नोंजों आंजों लोगो हमनानै
सानैजों दैसा सेराव रायज्जलयनो
नाथाय मानो फेया नों ।
एसेबां गोदै राव राज्जलयनानै सानब्लावो
मानो फेया ?
दिनै फैगोन गाबोन फैगोन सान्नानै
नेगासिनो आं हांमा सुरहाब सुरहाब ।
गोसोनि सान्नायखौं फोरमायनो हांमा थाबाय ।
आंनि गोसो गोरबोआ बायफले लांबाय
बेसेबा रुगुम गैयै लैथोआव
आंनि जिउनि मिजिं ।
नेबाय थागोन आं र'जे
नोंनि डिड जावबोनायखौं
आंनि जिउनि मिजिं ।

थरायना सलरा नार्जारी
बर' बाजार गोजौ फराइसालि
जिल्ला - चिरां

औवा राइदों थुरिजों

लुनाय बे न'आ जौनि ।
बेयाव थायो गोजोनै
जोबोद गंगोनि;
थाइजौ खानथाल गइ बारि
बेनो बरनि गामि ।
मोजां मोनो गेलेनो
आमाइ-जुमाइ थाखोमानायाव;
बिब' फेबाय थायो बेयाव
अराइ खौसेथि ।
बिबार बारि लारि लारि
गुफुर गोजा गोमो गाब-
बाइदि सारि सारि;
गोसोआव दड मेथाय
नों खोनायोब्ला बिखा सुगलाइनाय ।
मोजां मोनो गेलेनो
अखा नायब्लानो,
आमाय जुमाइ थाखोमानायाव ।

मुस्रि बिष्णु बसुमतारि
बामुनगाव गामि + ला:सो: - दत्तपुर
जिल्ला - चिरां बि टि ए डि (आसाम) ।

आंनि सिनायथि

आं होनो सानदों आंनि सिनायथि
सानन्सियारी बड'सानि हेफाजाबै ।
फरायो आं मोनफ्रोमबो सप्ताहनि
बर'नि आंगो बड'सा खौरां ।
नड आं सोरबा द्रामाटिक,
महरगिरि, खन्थाइगिरि, सल'मागिरि
आं सासे बर' सेंग्रा फरायग्रा सोलोंग्रा ।
सा कक'राझार अलंबार हाइस्कुलनि
आदुवासिन फरायसा अलसियाबो ।
जानाय लोंनाय उन्दुनाय
बेनो जादों आंनि रुटिन ।
सेंग्रा-सिख्लानि लावनि सल' बिजाब
दैलि फरायनाया आंनि स्टारि ।
आं सोबा बिरि सिगारेट,
आं जाया सादा गय फाथै,
आं लोड साहा नाथाय ...
आंखे जौनि रोसिखौंसो लोडे ।
सावरि -बादलि, फुजा-फोबों,
हाबाथिलि, गोदान बेफोर आरो बैसागु
बेफोर आंनि बावनो हायै दिनसै ।
फैगौ आनजातनि दानआ
जाथारनोसै जोबथा आनजादआ
जादोंबो जायाखेबो आं मिथिला
रिजाल्टआ हले जागोन फासै-फास ।
नाथाय फैगोन काल-मासि
रानखबबाय आंनि सेहेराया ।
जानो हागौ बांद्राइ देलायनायखाय
गोसोआव लानायखाय केमेरा
मेगनआव लानायखाय दुर्बनि,
बेफोरनो जाथायसे ज'थायनानै,
खस्टयै होनाय गुबै सिनायथि ।

मुस्रि एम. आनलाखि बह्म ।
अलंबार-गोजौ फरायसालि ।

रंजालि गथ' फोरनि सौरा

अबोला आं मा
खालामनो!

नै बे गुवार संसारनि
थिं थिं गुदु हाड हाड बालाबारियाव
दै गांगोन आं थाबाइनो बायो ।
दै गुदु हाड हाड बालाबारिखौं
आं बारलानो गियो ।
रावनिबो आगान आरो
लामा गैयै बे बालाबारियाव
आं बवेथिं थानो !
बेवहाय फांसेबो बिफां गैया ।
बेवहाय बार मोदायबो बारो ।
जाडनाव हाद्रि बालाया बुखांजानानै
मेगनाव हाबो आरो
मेगननिफ्राय मोदै ग'यो ।
नाथाइ
मेगननि मोदै, हाद्रि बालाखौं
सोर हुगारनो आरो एरखे'नो ?
गुबुनफारसे संसारनि
थिं थिं सान्दुआ देदेनलानानै
बेलासे बुब्लिया आंखौं बरायहरनो खावलायो;
नोंनि न'आव थानो ।
लाजिगुसु मोखां सोमखेयै
अबोला आं मा खालामनो !

सबिन बिखारोजा मोसाहारी
गामि - देवानपारा ।
ला:सो: - बागरगाव ।
जिल्ला - चिरां बि.टि.सि.(आसाम) ।

हसियार

हसियारलै बाहायफोर
रोदि जयै मेलेरिया बेरामा
जाखांफिनब्ला जाल्लां जालायगोन
ओरैनोबा-
जिमिलिनि आडवासआ
हागुं फेसालिनि सोलेराव
आइखां-बाइखां खालामलांबाय,
हेडलिनि हगारनाय रोजा गुलियाव
दालाइ गोराननि हुदुआ
खारखाड-खारसि जालांबाय
फागुननि जावलिना बारा
लाइमोननि गोबोंआव
रमान्सनि अर सुखांलांबाय
दुखुथिया बर'सानि थिलियाव
जाखिसे एसिड अखा हालांबाय
दा बै बुब्लिया आनजायथ' बाय

दैथुन गयारी ।

दाउ खाना

(2 बिलाइनिफ्राय)
नोंहा एसेबो मुगैनाय गैयाना ?
बेबादि बुनानै बिखुनजोया
थुछ-थुछ होन्ना माउजिखौं
होखारहरनानै फिन माउजिआ
फै फिनब्ला होखारहरनो
बिजामादैनि आखायाव लाउथि
गंसे होनानै सिडाव थानायसै ।
सिंनिफ्राय फिन ना भाजा आरो
ओंखि लानानै बिखुनजोआ
बिजामादैनि थोरसियाव होब्ला
बिजामादैआ सान्नायसैदि,
आरबाव माउजिआ ओंखाम
जाफै बावबाय । बेखौंनो
सान्नानै बियो लाउथिजों
बिखुनजोनि आखायाव गोबारे
बुनानै होनायसै । बुजानानै
बिखुनजोआ जदामब्लेनायसै ।
उस-उस आयदै-आयदै
होन्नानै माथो होनायसै, मोजां
मावथारबाय जावयैसो, नों
आंनि आखायावसो गोसा
बुनानै होबाय । अब्लासो
बिजामादैआ मा आन्त्यासो
खिन्धायाजासै न'आव
थांफिनो हमनायसै ।

जिउनि फैमाल

सोरबाया रंग'थि लानानै
सोरबाया रोडैखौं लानानै
गोरान बरजों ।
सारा मुलुगनि निहोरा रानैयावबो
दुखु दाहानि बालाया रानखाव लांबाय ।
गोजौ जोमैनि हांखाय नायाव
खाफालनि रिफिनाया
बेनिफ्रायनो दिंघ्रायनांबाय ।
सिमांबायदि जाबाय बे जिउआ
गोरान बिलाय बायदि सिबथिं जाबाय
सोरनिबा खाफालाव देरहानायनि अखाफोर गावदां-दां
सोरनिबा खाफालाव जेन्नाय आरो रोडैनि लैथो हाब्रां
सोरांथो-हरथौ गोदान नखोरांखौं नागिरनानै,
गोदान जायखलनि सायायाव
गोजोन सुदेम बारजों ।

फनि महन इश्लारि
गोजौ जामबुगुरि हाई स्कुल
जिल्ला:-कक्राझार,(बि.टि.सि.)

दायआ सोरनि

फागुन दाननि रानभाव गोरान लामानि
दावबायारि बवेबा थांखिनि
नाथाय सिनाया आं बैसिम सहेनायनि लामाखौं
मिथिगौ बेखौल' अरायबो मोजां लामाजों थानांनो ।
लामानि दुंबुद गोरान बारआ
बारलुनानै हाद्रि सारलांबाय आंनि मेगनाव,
आं एसेबो नायनो हायाखिसै
खाथि खालानि जिरादखौं नुनो मोनाखिसै ।
आं जेब्ला आन्दायनानै थाबायबाय थायो,
सोरबा सिखरि मानसिया आंखौं बोलांफायो,
आंदि बेसेबां गोजोन्नाय मोनदों
बेजोंनो सौहैफासिगोन सान्नानै
गोसोआव बायदि मिजिं लानानै ।
रंजानायजों बेखौं सानफ्राडखै मोनदि
आं माबायदि लामाजों थानों ।
गुपुरखौंनो मोनाखैमोनदि
आं सौथु लांबाय थादों,
दसे उनाव जेब्ला दैमा बारनो हमो
अब्लासो आंनि गोसोआ गिखाडे
दैजों मोखां सुप्रायोब्ला
गिलु बालु हाग्रामा सिगांथिं नुहुरो ।
थाबेनो गिदिंफिनो आं सिगांनि लामाथिं,
मोनहैफिनगोन आं गोजाम आगानखौं ।
नाथाय बवेआव मोनबावगोन बारग' लानाय समखौं ?
बेनिथाखाय आं आंखौंनो
माबोरैहाय दायनिगिरि खालामनो
आंनि मोजां गात्रिखो बिजिनो
गुबुनखौं आं मानो हांखायनो ?

गव्ला बसुमतारि
कक्राझार ।

आगान्नैसो थानानै बियो
लामा नागिरना मोनैनि सिथ्ला
मोखाडाव थानाय
थासबारियाव हाबहैब्ला बियो
सान्नायसै, बेयो मोनसे गेदेर
हाग्रामा, हराव बेनिफ्राय
ओंखारलाना लामा नागिरना
न'आव सौहैनाया आंनि
थाखाय जाथाव नडा ।
बेखायनो दिनै हरसेखौं
बेवहायनो सि-सि थाखोमाना
अखानायब्लानो रावबो नुसना
जासे न'आव थांगोन । बेखौंनो
सान्नानै बियो गोजोनै बेवहा
जनानै थानायसै । ओजोंहा
बिहाउ-बिखुनजोआ
बिजामादैखौं नुयैनि बियो
न'आव थांफिनबाय सान्ना
सिरि-सिरि थानायसै । बेनि
दसे उनाव बिखुनजोआ
बिजामादै ओंखाम जानाय
खालाइ दैखौं बाइजोयाव
फैना थासबारि गेजेराव
गारगार हरनायसै । खालाइ
दैआ गुवार-गुवार थास
बिलाइयाव गोलैना
बिनिफ्राय बोहैग्लायना
बिजामादैनि खर'-मोदोम
सिजोबहैनायसै । बेबादिनो
देहा मोदोमआव दै नांनाय
बिजामादैआ सान्नायसै, हे
जोमै मोदाइ दाउ खानानि
फारसै नायहर आरो अखा
दाहासै । दिनै जि दुखु
मोन्नांबाय बेनो थोथारबाय
आरो दुखुथियाखौं आर दुखु
दाहोसै । बिजामादैनि माथो
खोनानानै बिखुनजोआ हाखु-
दाखु बाइजोयाव साथि
दिहुन्ना लाबोनानै नायब्ला
नुनायसैदि, बिजामादैआ
तासबारि गेजेराव थिख्लाव
सिजानानै ज'नानै दं । अब्ला
बिखुनजोआ बिदामादैखौं
दाउ खाना होन्ना मोनथिना
फिसाइ आरो फिसाजो
सोनैखौंबो लिंहरना थुखैयै
आरियै गामसा गोदान
गानहोनानै पाटिआव फुथुनानै
दोन्नायसै ।



(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

दुलाराइ बर’ हारिमु आफादनि बारग’आफादगिरि आनान्द बसुमतारीया रुंसारि जाबाय

रुंसारि जायो। मख’थावनादि बिथाइ फरायसालियाव फोरोंगिरि महरै खामानि मावबाय थानाय समाव हारिनि हारिमुखौ जौगाखां होनायजों लोगोसे मुलुग दरबारवा सिनायथि होनायनि थांखिजों दुलाराइ बर’ हारिमु आफादनिबो आफादगिरि महरै बिबान बानसनायजों लोगोसे अल इण्डिया रेडिय गुवाहाटियाव मेथाइबो रोजाबोमोन। खौरं मोननाय बादिल्ला बिथाइ गोबावसान दाइबेटिस बेरामाव गोलैनानै दंमोन। दिनै हरखाबे बिथानि रुंसारि जानाय खौराइ मुसलपुर नाडेनो दुखु नांहोदों। थैनाय समाव बिथाइ सानै फिसा हौवा, सानै फिसाजो आरो सानै बिसिखो बे बहुमवा नागार लाडे। बिथानि रुंसारि जानाय खौरांखौ मोननाय लोगो लोगो मुसलपुर गुदि बर’ थुनलाइ आफादजों लोगोसे मुसलपुर ओनसोलनि बायदि आफाद गौथुमनि दैदेनगिरिफोरा गोथौ दुखु मोननाय फोरमायनायजों लोगोसे दुखुथिया नखरनिसिम गावसोरनि गोथौ दुखु मोननायखौ फोरमाय हरदों।

उदालगुरि जिल्ला समबाइ समिटिनि मुलाम्फागिरिफोरा बि टि आर सरकारनि हेँथायै खुद्रिखांदों

माखासे बेले-बेजे सोमजिनाया सोराडव फेदों। मख’नो गोनांदि, समबाइ समिटिनि शेयासमेन बाबुल बाग्लायारि कलाइगाव समिटिनिफ्राय 80,000 रं बिनायखौ मोनैनि थाखाय मोनांगौ मुलाम्फायारिफोरनि रेसनखौ बन्द’ खालामदों होन्नानै ओन्सोलनि सांग्रां सुबुंफोरा अजद दैखांदों। बेनि अनगायैबो समबाइ समिटिनि मोन्नो गोनां केरि सार्चफोरखौ गासैबो ट्राक मालिखफोरा थाबैनो बन्द’ खालामनो नागिरदों। बेराफारसेथिं लेभारफोराबो समबाइ समिटिनि मावफुं सोद्रोमा दासखौ थाबैनो लेभार आरो मोन्नांगौ फेमेन्टफोरखौ थाबैनो दिहुन्ना होनांगौ होन्नानै दाबि दैखांदों। आरोबाव उदालगुरि जिल्लानि समबाइ समिटिआबो गोरिब गुन्द्राफोरनि मोन्नो गोनां माइरंफोरखौ थोजासे होयालासेनो गुबुन फारसे सरखायगासिनो दं होन्नानै मख’जाथाव खौरांनिफ्राय मिथिनो मोन्दों।

बाक्सानि दाब दाब जायगायावबो 7थि माहारियारि यगा सान फालिदों

बेबादिनो जिल्लानि भारत भुटान सिमना सेरनि उत्तरकुसियाव थानाय 64 नं बि एन एस एस बिनि इ कम्पानियाबो 7थि माहारियारि यगा सानखौ ओनसोलनि सुबुंफोरनि मददजों फालियो। बे हाबाफारियाव इ कम्पानिनि एसिष्टेन्ट कामानडेन्ट प्रेम कुमार बुडेदि, यगा खालामनाया देहानि जुनै जोबोर मोजां, बबेखानि बे हाबाफारिखौ यगा सानजौल’ लोब्बा लाखिनानै खालामा जासे अरायबो खालामनाया मोजां। एरैहाय जिल्लानि सदर थावनि मुसलपुराव थानाय जिल्ला बि जे पिनि मावखुलियाव बि जेपिनि दैदेनगिरिफोराबो बे यगा सानखौ फालियो।

तामुलपुरआव माहारियारि यगा सान फालिदों

फालियो। तामुलपुर सदराव थानाय बाक्सा जिल्ला यग बिज्ञान सोलोंसालिमानि बान्जायनायाव यगा सोलोंसालिमानि दिन्थिफुंसालि ह’लाव दिनै कभिडनि प्रट’कलखौ आबुडै मानिनायनि गेजेरजों माहारियारि यगा सानखौ फालिनाय जायो। फुंनि समाव हाबाफारिखौ आलारि बाथि फोजौनानै बेखेवजेन्नानै होयो बाक्सा जिल्ला यगा बिज्ञान सोलोंसालिमानि गोरायुं गनेस राभाआ। बेनि उनावनो यहा-प्रनायम हाबाफारिखौ सामब्लायो सोलोंसालिमानि गाहाय यग फोरोंगिरि गबिन्द शरनीया आरो राजेस्वर राभाया। दिनैनै बे हाबाफारिनि गेजेरजों सोलोंसालिमानि माखासे गोदान-गोजाम फरायसाफोरा यगा खालामनानै दिन्थियो। तामुलपुरनि राइजोयारि दिन्थिफुंसालि न’मायावबो दिनै फुंनि समाव गेलेमु भारतीनि बान्जायनायाव आरो गयबारि मन्डल बि जे पिनि बान्जायनायाव कभिड प्रट’कलनि गेजेरजों गयबारि मन्डल बि जे पिनि दिन्थिफुंसालि न’मायाव यग फोरोंगिरि मनजित सरकारनि बिथोन होनायाव माहारियारि यगा सानखौ फालिलाडे। यगा साननि हाबाफारियाव बि टि चिनि थिसनजानाय एम चि एल ए हेमन्त कुमार राभा, बाक्सा जिल्ला बि जे पिनि लेडइ आपादगिरि दियेन कलित्त, बाक्सा जिल्ला बि जे पिनि गाहाय नेहाथारि राजेस बर’, आइजो मर्चानि नेहाथारि अर्सना चौधुरी मोनजों लोगोसे गोबां मावथिफोराबो बाहागो लायो। गुबुन फारसैथिं भारत-भुटान सिमानि दरंगा मेला आरो पाटकजुलियाव 64 नं एस एस बिनि बान्जायनायाव तामुलपुरनि बारेइगावआव आयुस्मान यगा मिरु, तामुलपुरनि बान्जायनायाव यगा फोरोंगिरि ध्रुबज्यति डेकानि बिथोन होनायाव खुंगा 7 थि माहारियारि यगा सानखौ फालिलाडे।

बिस्राम न’नि बान्जायनायाव गुवाहाटीनि सिचि कलेजनि लांगोनायाव बिफां फुलि गायदों

हाग्रा बिफाननि गोजौ थाखोनि बिबानगिरि मजिदुर हुसेइन, जि एम डि आर सेक्रेटारि अनन्त गौं, सोलोंथाइ बिफाननि सेक्रेटारि अस्विनि दले आरो कलेजनि गोरायुं डू अर्सना गगैया फांफा-फांफा बिफां फुलि गायो। बे हाबाफारियाव गासै फां 25 बिफां फुलि गायो। फुंनि 9 रिगायाव कलेजनि लांगोनायाव खुंनुनाय हाबाफारियाव हाग्रा बिफाननि हाग्रा सरैखागिरि मजिदुर हुसेइनआ बिस्राम न’नि बेबायदि बिफां फुलि गायनायनि नाजानायखौ गासैबो थाखोनि सोलोंथाइ फसंथान, आफादफोरखौ हेफाजाब खालामनो खावलायहरो। लोगोसे आबहावा सोलायनायाव बिफां-लाइफानि बिफावनि सोमोन्दै नायबिजिरनायनि बिथायाव सुंदयै बिबुंथि लाखियो। हाबाफारियाव साबायखरथि बिबुंथि लाखियो बिबुंगिरि निपुल कुवरआ। बिफां फुलि गायनाय हाबाफारियाव हेफाजाब होयो सोलोंथाइ फसंथाननि सुरेस राय, मनज लहकर आरो माखासे फोरोंगिरिफोरा।

बाक्सानि बागानपारायाव आइजोफोरा सोमावसारदों

लानानै आइजोफोरा सोमावसारनाय हाबाफारि लादों। सिगां फोसावजानाय मुलाम्फागिरिफोरनि फारिलाइया गोमानायनि जाउनाव मुलाम्फागिरिफोरा खुद्रिखांदों। मख’नो गोनांदि राज्यो सरकारा गाव गसंथानाय आइजो, गाव गसंथानाय आसाम बिथांखिनि सिडव निखावरि रान्दि आइजोफोरनो रांखान्थियारि अनसुंथाय होनायनि थाखाय सायख’दोंमोन। जरखायै रेजिष्ट्रेसन गोनां गाव हेफाजाब हान्खाफोरनि सिडव आइजोफोरखौ सायख’नानै गांसे फारिलाइ फोसावदोंमोन। बाक्सा जिल्लानि सिडव थानाय धमधमा जौगाखां खोन्दोआव थानाय फेब्रुवारी दानाव मुलाम्फागिरिफोरनि फारिलाइखौ फोसावदोंमोन। नाथाय सोमोनांथाव महरै सिगां फोसावजानाय मुलाम्फागिरिफोरनि मुड फारिलाइनिफ्राय गोमायो। बेनि सोलायै गांसे गोदान फारिलाइखौ फोसावो जौगाखां खोन्दोआ। जायनि जाउनाव दिनै धमधमा जौगाखां खोन्देनि सिडव थानाय घरामारा आरो सिराल भि चि डि चिनि सिडव थानाय मुलाम्फागिरिफोरा बे जाथायनि हेँथा सोमावसारनाय हाबाफारि लायो। सोमावसारगिरि आइजोफोरा बि डि अआ जाख्त’थायखौ बन्द खालामनांगौ, जि आर एस हाय हाय, बायदि गुबुन गुबुन स्तगान होमिखाववनानै ओन्सोलखौ गोमखांहोयो। सोमावसारगिरि आइजोफोरा फोरमायनाय बादिल्ला नखर-नखर नायबिजिरहनैनाै फारिलाइयाव मुलाम्फागिरिफोरनि मुंखौ थिसनदोंमोन। नाथाय सिगां फोसावनाय फारिलाइनि मुलाम्फागिरिफोरा जेबो मुलाम्फा मोननो हायासै। बेनि सोलायै आथिखालाव गांसे गोदान मुलाम्फागिरिफोरनि फारिलाइखौ फोसावदों। लोगोसे सिगांनि फारिलाइयाव थिसनजानाय मुलाम्फागिरिफोरा अनसुंथायखौ मोननो नांथारगोन नडब्ला फिन सोमावसारनाय हाबाफारिखौ लाफिननो गोनां जागोन होन्नानै आइजोफोरा दाबि दैखाडे।

मुलुगनि गिदिरसिन बेसेन नाडै भेक्सिन थुनाय हाबाफारि

जागायजेनाय जरखा बेसेन नाडै’भेक्सिन थुनाय हाबाफारिनि मोनसे बाहागो महरै कामरुप जिल्लयावबो दिनै बेसेन नाडजासे भेक्सिन थुनायनि मोनसे गिदिर हाबाफारिखौ जागायजेनो। सानफ्रोमबो 10 रोजा भेक्सिन थुनायनि थाखाय सरकारा खानानै होनाय थांखियाव जाफुंसारनो थाखाय जिल्लयाव गासै गं 111 भेक्सिन थुग्रा मिरु गायसन्नाय जादों। बेनि अनगायैबो जिल्लयाव थानाय गं 12 खोन्दो गुदि सावस्रि मिरुनिसिमबो थांखि खानानै होदों। बेबायदियैनो दिनैनै सानाव मख’जाथाव महरै जाफुंसारनायजों खानानै होनाय थांखिनिखुइबो बांसिन भेक्सिनफोरखौ थुनायावजिल्ला सावस्रि बिफाना जाफुंसारनो हायो। बे रादाबखौ लिरनाय समसिम मोन्नो हानाय रिपर्टनि बादियै दिनै जिल्लयाव गासै सा 11,689 रोजा सुबुंफोरखौ भेक्सिन थुनाय जादों। गुबुन फारसैथिं जिल्लयाव दासिम गासै 3,32,967 ड’ज भेक्सिनफोरखौ थुनाय जादों। बेनिनो सा 2,75,615 सुबुंफोरा गिबि ड’ज आरो सा 57,352 सुबुंफोरा नैथि ड’जनि भेक्सिनखौ लादों। मख’नो गोनांदि जिल्लयाव कभिड-19नि साग्लोबसारनायखौ दबथायनो हादों।

गसाइगावआवबो 7 थि यगा सानखौ मेहेर गोनाडै फालिदों

थानाय मारुवारि विवाह भवनाव 7 थि हारिमायारि यगा सानखौ फालिनाय जायो। मख’नो गोनांदि, फुंबिलिनि 6.30 रिगानिफ्राय 9.00 रिगासिम खुंनाय यगा सानाव हाबाफारि बायदियै यग गुरु सुनिमल सरकारा यगा खालामनानै हाबाफारिखौ बेखेववानै होयो। हाबाफारिखौ बेखेवनायनि उनाव गसाइगाव मिउनिसिफाल बर्डनि सियार फारसन कृष्णा ब्रह्मनि दैदेनायाव बाहागो लानानै राइज्योनि गिबि मन्थ्रि ड० हिमन्त बिश्व शर्मानो बयनोबो माहारियारि यगा सानखौ फालिनो थाखाय रोजा-रोजा साबायखर बाउहरो। मख’नो गोनांदि, गसाइगाव मिउनिसिफाल बर्डनि गाहाय नेहाथारि बिष्णु पट पालआ सामलायनायाव दिनैनै यगा सानखौ मेहेर गोनाडै फालिनाय जायो।

बासुगावनि गरुकुल नेसनेल स्कुलआव माहारियारि यगा सान फालिदों

दिथागिरिफोरनि नुजाथिनायाव कभिड-19 नि नेमखान्थिखौ मानिनानै यगा सानखौ फालिनाय जायो। मख’नो गोनांदि, हाबाफारिखौ बेखेवनायनि सिगां-सिगां फरायसालिनि गाहाय फोरोंगिरि बिजित नाथआ आलारि बाथि सावो। बिथांजों लोगोसे हेफाजाब होयो सुसान उपाद्य, राजु सिलापति, बरुन बर्मनजों लोगोसे गागि फोरोंगिरिफोरा बाहागो लादोंमोन। बे हाबाफारियाव फरायसालिनि गाहाय फोरोंगिरि बिजित नाथआ माहारियारि यगानि सायाव बेसेन गोसा बिबुंथि लाखिनायजों लोगोसे साफ्रोमबो फरायसुला आरो फरायसुलिफोरखौ यगा खालामनो थाखाय खावलायो।

आंनि सिनायथि

हा:हा:हा:हा:

हगर आंनो लामा हगर।

आं सोर,

सोर बुंनो हागौ आं सोर?

जान्था फाग्ला

ना जौसाय फाग्ला??

सोर बुंदों आंखौ उन्दै हारिनि

नड आं बर’ सो,

गिदित हारिनिसे;

चीन-तिब्बतनि,

मंगलीय’ जोलैनि

आं मुं दांखा फोलेरिसो।

राजा कृष्ण चन्द्र’,

ग’बिन्द चन्द्र’ मोननि जोलैं आं,

तुलाराम, सोमदोन, बिरगोसिमोननि थै दं,

डिमापुर, हिरिम्बापुर, कासार, माइबं

बेफोर दासिमबो गां-गां नेसों दं;

नड आं बर’ सा

गिदित हारिनिसे

आं जौसाय फाग्लासो।

अ’ नड दा आं रावबो नड,

आंहा हा-हु, न-बां सिनायथि गैजायै

आं निर्दलीय’ बर’ सो

आं जौसाय फाग्लासो।

ओइ नों गिबाय?

नों आंखौ गिनानै गोजानजों एरखेलांबाय??

नड गिनो नाड आं गोदान मुगानि बर’ सो

आं जौसाय फाग्लासो।

श्री एस.आइ.आर. बसुमतारी

माहारियारि यगा सानाव साफ्रोमबोनि देहा आरो मेलेमखौ गोजोनै लाखिथों: जगदिश मुखी

2014 माइथायावनो माहारियारि यगा सान महरै गनायथि होनो थाखाय नार्सिनदोंमोन। गाहाय मन्थ्रि मदिआ बुंबावदोंदि, कभिड-19 महामारिखौ फेजेन्नो थाखाय जौनि साफ्रोमबो नोगोरारि आरो सरानस्त्रा सुबुंफोरा सांग्रां जानांगोन। जाहाथे बिसोरनि देहा सोलेराव कभिड-19 आ सन्देरनो हाया। बेनि थाखाय जों हादतनि बयबो सुबुंफोरानो सम-सम यगा खालामनाया गोनांथार होन्नानै राइज्यो बैंगिरि जगदिश मुखीआ फोरमायथिदों।

बर’ साहित्य सभानि गागि सोद्रोमा बाबुराम दैमारिआ रुंसारि जाबाय

बोरय स्कुलजों गुदिनिफ्रायनो लोब्बा थानाय आरो चिरां जिल्ला बाथौ धोरोमनि आफादगिरि महरै बिबान सामलायबोनाय बाबुराम दैमारिआ दिनै अबथिरायै बे संसारखौ अराय समनि थाखाय नागारलांबाय। बिथानि रुंसारि जानायाव चिरानि बासुगाव सहरनि साखाथियाव थानाय खाग्राबारि गामिनि थागिबि सुबुंफोरा बिथानि 92 बोसोराव बे संसारखौ नागारलाडे। बिथानि बर’ समाज आरो धोरोमाव मख’जाथाव बिहोमा होलांनयनि थाखाय बर’ समाजजों लोगोसे चिरां जिल्ला गुदि आफादनि आफादगिरि मनलाल बसुमतारिआ गावनि गोसो गोबॉनि गोथौ दुखु मोन्नायखो फोरमायदों।

आसामाव एस भि ए एम आइ टि भि ए बिथांखि दाफामनायनि थांखिजों बुजिलायनायनि गोरोबथा खादों

बुजिलायनायनि गोरोबथा जायो। बे बिथांखिखौ दाफामनो थाखाय मिरु सरकारनि पन्चायतिराज मन्त्रालय आरो राज्यो सरकारनि सार्कल आरो डिजास्टार मेनेजमेन्ट बिफाना आसामाव पन्चायत आरो गामि जौगाखां बिपाननि हेफाजाब लागोन। सार्भे अफ इण्डियाआ टेकनिकेल हेफाजाबगिरि महरै गामियारि मैखोम सुबुं थानाय ओन्सोलफोराव सार्भे खालामनायनि थाखाय गोनांथि जानाय राहाफोरखौ नाजावगोन। बेनि थाखाय इ्र’न बाहायनाय आरो दबथायसालि खथा गायसन्नाय जागोन आरो बेबायदियै दाजानाय गामि ओन्सोलनि सम्पदनि मिथिथाय बाखिजों सम्पद मिरुनि अजद आरो जेनाफोरखौ खम खालामनायाव मदद खालामगोन। बे एस भि ए एम आइ टि भि ए बिथांखिखौ 2020 माइथायनि 24 एप्रिलाव माहारियारि गेजेर पन्चायतराज साननि लोब्बाजों पाइलत बिथांखि महरै जागायजेनाय जादोंमोन आरो सोलिफु बोसोरनि 24 एप्रिलआव हादोरनि गाहाय मन्थ्रिया दुलाराय हादोरनि थाखाय बे बिथांखि दाफामनायखौ बेखेवजेन्दोंमोन। दिनै आसाम सरकारनि जाहानै आसाम भुमखौरं आरो सार्भे बिबानगिरि सान्तनु पि गतमारे आरो भारत सरकारनि जानानै सार्भे अफ अण्डियानि आसाम आरो नागालेण्डनि बिबानाव थानाय बि डि चि नि सामब्लायगिरि स’ल्लांगी भंकटेस्वर रावआ बे बुजिलायनाय गोरोबथा खायो। बे हाबाफारियाव राज्यो सरकारनि सार्कल आरो डिजास्टार मेनेजमेन्ट बिफाननि सेक्रेटारि एम एस मनिबन्नन आरो लोगोसे लोब्बा गोनां बिफानफोरनि गोबां गोजौ थाखोनि बिबानगिरिफोराबो बाहागो लादोंमोन।

कसुगाव मिरु हाग्रा बिफाना सिग्रोमनायनि गेजेरजों हाग्रानि अमा बेदरजों लोगोसे सानै मैहुर खालामग्रा सुबुंखौ हमनो हादों

आयेन बेरेखा हिसाबै बिफां दानफायनाय, जिब-जुनार फोथेनाय बेफोर हाबाखौ बांसिन गोख्रों नोजोर होनायखौ नुनो मोन्दों आरो सानफ्रोमबो आयेन बेरेखा दंफा दानफायग्रा आरो जिब जुनार मैहुर खालामग्रा सुबुंफोरखौ हमगासिनो। बेबादि दिने फुंनि 3.00 रिंगायाव मोनसे स्रोद सुलुंनि गेजेरजों कसुगाव मिरु हाग्रा बिफाननि गोख्रों सिग्रोमनायनि गेजेरजों दिने हाग्रानि अमानि बेदरजों लोगोसे सानै सुबुं आरो गंसे आखायजों बानायनाय सिलाइ हमनो हादों। कसुगाव मिरु हाग्रा बिफाननि रेनजार प्रान्जल तालुकदार बिथानि फोरमायनाय बादिवा मोनसे स्रोद सुलुं मोननायनि गेजेरजों दिने गोख्रों सिग्रोमनायनि गेजेरजों हाग्रानि अमानि बेदरजों लोगोसे सानै सुबुं आरो गंसे आखायजों बानायनाइ सिलाइ हमनो हादों। हमजानाय सुबुंनि मुंखौ फारियै जयन्त बसुमतारी, फुर्न बाहादुर लामा आरो सानैखौबो सेरफागुरिनि पद्मबिल गामिनि थागिबि होननानै सिनायथिनो हादों। आरो हमनो हानाय अमा बेदरनि लेरथाइखौ गासै 40 के:जि: जागोन होनना मिथि होदों। बेबायदि आयेन बेरेखा हावा मावग्राफोरनि सायाव कसुगाव हाग्रा बिफाना गोख्रों नोजोर लाखिगोन होनना बुंथिबावो।

बाक्साआव गुबुन गुबुन बिफाननि बिबानगिरिजों मन्थ्रि उर्खाव गोरा ब्रह्मआ सावरायलायदों

लानायाव मन्थ्रिया जिल्लानि सावस्रि बिफान, हा सरैखाथि बिफान, हेन्डलुम-टेक्सटाइल बिफानजों लोगोसे गुबुन गुबुन बिफाननि खामानि मावनायफोरनि सायाव फिन नायबिजिरिफन्नाय सायाव फोरमायथिनानै होयो। जरखायै कभिड-19 नि सोमोन्दै सावस्रि बिफानजों गोनांथार सावरायलायनायखौ फोरमायथिनानै बाक्सा जिल्ला सावस्रि बिफाना कभिडनि भेक्सिन थुनायनि बिथिडव आबुडे साखा-फारा जादों होन्नानै बिथाइ बुडे। गुबुन फारसैथिं जिल्लानि गोनांथार बिफान महरै सिनायथिनाय हा सरैखा बिफाना मावनाय खामानिफोरनि सायावबो सुलु लानायनि बागैबो फोरमायथियो। ब्रह्मआ बुडेदि बाक्सा जिल्लयाव हा खुरखानायनि माखासे जेनाफोर दड’ आरो बे जेनाफोरखौ जेसेबां हायो थाबैनो सुसांनयनि थाखाय दिनैनै मेलाव सावरायलायनाय जायो। मन्थ्रिया दै सम्पद बिफान, पि एइस इ बिफाननि जल जिबन मिसन बिथांखिनि सायावबो बिफानारि बिबानगिरिफोरजों सावरायलायनाय जायो होन्नानै मन्थ्रि उर्खाव गोरा ब्रह्मआ बुडे।

ढेकियाजुलि बाथाचिपुराव रेलवे पेट्रलमेन कर्मसारिफोरा गावसोरनि बिबानखौ सरकारि खालामनांगौ आरो कर्मसारिफोरनि मोननोगोनां बेथनखौ बेंक एकाउन्टयाव रांखौ सोना होनांगौनि दाबि दैखांदों

मोननायआ दैयाव हांसो दुगैयै बायदि अबस्ता जादों कर्मसारिफोरा। थिकादार कुलेन हाजुरिकाया बैसोर कर्मसारिनो दानसेयाव 5 रोजा होबोदोंब्लाबो नेमखान्थि बायदियै होबोओ होनना मोनथि होयो बर्तमान अरायथा साकरि जायै महरै खामानि मावग्रा पेट्रलमेन कर्मसारिनि जिउखौ लानानै गिखांनाय फारसेसो होननानै खौरांगिरिनि सिगांयाव गोख्रो रावजों फोरमायथियो। ढेकियाजुलि , बेलसिरि, मिचामारि ,डेकारगाव , हुग्राजुलि आरो रडपारा रेल स्टेसननि गोबां पेट्रलमेन्ट कर्मसारिया 2018 माइथायनि 5 मार्चआव गनायथिलाइ मोनदोंमोन। आथिखालाव 4 बोसोर पेट्रलमेननि बिबानाव अरायथा नडै साकरि मावनानै 5 रोजा बेथन मोनदोंब्लाबो बिसोरनि गथ’ गथायनि जिउ खुंबोनायाव गिथावना सोमजिखांदों होनना फोरमायथियो। रेलवे पेट्रलमेन कर्मसारि आफादनि आफादगिरि नारायण तालुकदार, नेहाथारि मनिराम मुसाहारिया बै जाथायनि थाखाय गांसे गोसोखां आरजलाइ रडपारा स्टेसननि जौसिन मावफुंगिरि ADEN/RPAN नो गथायगोन होनना मोनथि होयो लोगोसे गोख्रैनो बे हाबाफारिखौ मावफुंनो रायजो सरकार आरो मिरु सरकारखौ थाबैनो मानिना लानो थाखाय दाबि दैखांदों।



खातरों के खिलाड़ी सिजन 11 निफ्राय अभिनब शुक्लाया बाइजोआव थाबाय

गोदान दिल्ली, 21 जुन: खतरों के खिलाड़ी सिजन 11 नि शूटिंगा जोब्बाय। सुलुंनि बादिब्ला, बादायारिफोरा केपयउनआव 45 सान थानायनि उनाव भारतआव फेफिनबाय। स्वआव आथिखालाव टप 5 बादायारिफोरखौल' सायख'नाय जादों। इयुननि शूटखौ उनाव खालामनाय जागोन। नायगिरिफोरनि थाखाय मोजां खौराख फेदों, मानोना बे स्वआ थाबैनो अनएयार जासिगोन। बावैसो समाव मिथिनो मोन्दोंदि, निक्की तम्बलीआ स्वनिफ्राय



बाइजोआव थाबाय। निक्कीआ सिगाडावनो भारतआव

बेनि अनगायै आथिखालाव मोनसे गिदिर खौराख फेदोंदि, अभिनब शुक्लाया टप-5 आव जायगा बानायनायव जाफुंसारनो हायाखै। सुलुंनि बादिब्ला, अभिनबआ बाइजोआव थाखांबाय। लोगोसे बियो टप 5 बादायारिफोरनि फारिलाइखौबो फोसावदों। बिग बसनि न'आव मोजाडै दिन्थिफुंनो हानायनि उनाव अभिनब शुक्लाखौ गोखों बादायारि मानिनानै लानाय जादोंमोन। बिनि बाइजोआव थानाया फेन्सफोरनि थाखायबो गोमोथाव बाश्रा जादों। बेगफासं

अर्जुन बिजलानी आरो राहुल वेदयआ भिडिअ शोयार खालामदोंमोन, जेराव बिसोरो फ्लाइट गाखोयैनि सिगां कभिड टेस्ट खालामजादों। मख'नो गोनांदि, स्वआव सासे बादायारिनाव करना पजिडिभ जानायजों जेंना गोनां दोहौ सोमजिदोंमोन। खातरों के किलाडीनि बयनिखुइ मुंदांखा बादायारिफोरनि गेजेराव सासे राहुल वेदयआ टप 5 आव सोहैबाय। बिनि अनगायै अर्जुन बिजलानी, भरुण सुद, दिव्यांका त्रिपाठी आरो विशाल आदित्य सिंआ दड।

फे बायमोन। बियो गावनि मिउजिक भिडिअनि प्रमसनआव नांथाबनानै दड।

इन्डियन आइडेल 12 नि सबाइ भट्टनि बाइजोआव जानायखौ फेन्सफोरा रागा जोंदों,



गोदान दिल्ली, 21 जुन: मुलुगनाडै 21 जुनआव मुलुगनां यगा सान फालिनाय जादों। हादरनि माखासे मुंदांखा सुबुंफोरे यगानि मुलाम्फाखौ फोरमायदों आरो गाव-गावनि हास्थायगिरिफोरखौ बेनि थाखाय थुलुंगाबो होदों। बेवहाय बलिउडनि मुंदांखा फावखुंनि कंगना रनटआबो दंफादोरो। माहारियारि यगा साननि खलुआव कंगना रनटआ गावनि बिनानाव रंगलीनि एसिड एटाकखौ लानानै बाश्रा बुंदों आरो माबोरै यगाया बिखौ मोजां जानायव मदद खालामदों बेखौ फोरमायदों। कंगना रनटआ ससेल मिडियाआव जेब्लाबो सांग्रान्थि थायो। बियो गावनि मावख'यारि इनस्टा एकाउन्टआव बिनानाव रंगलीनि गांसे सावगारिखौ शोयार खालामदों। बे सावगारिआव रंगलीखौ यगा खालामनाय नुनो मोन्दों। बिब'नि सावगारिखौ शोयार खालामनाय कंगना रनटआ बिनि थाखाय जर'खा पस्ट लिदों। बियो पस्टआव लिदों-रंगलीनि बयनिखुइ गुन गोनां यगा सल, सासे बेराफासंल' मोजां मोनग्रा रिमअआ रंगलीनि सायाव एसिड सारदों जेब्ला बियो 21 बोसोरनिमोन। फावखुंनिआ पस्टआव लिखबावदों, रंगलीआ थार्ड डिग्री खामदोंमोन। बिनि

कंगना रनटनि बिब'नि सायाव एसिड एटाक जादोंमोन



खावसे महरआव खामबाय। मोनसे मेगनि नुथाय गोहोआ गैया। फासे खोमाया खोनाला आरो गोब्राब महरै खहा जादोंमोन। 2-3 बोसोरआव 53 सार्जिजों भुगिनदों, नाथाय बे गांसेबो बेसेबाइवनो थोजासे जायाखैमोन। आंनि थाखाय बयनिखुइबो देरसिन जिंगाया बिनि गोसोयारि मोजां जानायमोन। मानोना बियो बाश्रा बुंनयखौ बन्द खालामबायमोन। जेखियानो जाया मानो बियो मोनसेबो बाश्रा बुडामोन। बियो सासे अखामा सांन्थि हान्जा बिबानगिरिजों आस्थाम सोदोंमोन आरो जेब्ला बियो एसिड गाग्लोबजानायनि उनाव बिनि महरखौ नुयो अब्ला बियो थॉफिन्दों आरो उनाव माब्लाबाबो गिदिंनानै फेफिनाखै। नाथाय थेवब्लाबो

बियो गाबाखै आरो मोनसे सोदोबबो बुडखैमोन। कंगना रनटआ पस्टआव लिखबावदों डाक्टरफोरा गावनो फोरमायदोंदि, बियो दुखु मोन्यानि थासारियाव दड। बियो बिनि फाहामथाय होदोंमोन आरो बिनो गोसोयारि मोजां जानायनि हेफाजाबनि थाखाय मुलिफोरखौ हर्दोंमोन, नाथाय बेजों जेबो मदद मोनाखै। बै समाव कंगनाया 19 बोसोरनिमोन। बियो गावनि फोरोंगिरि सुर्य नारायनजों लोगोसे यगा खालामदोंमोन आरो गाव मिथियामोनिदि बियो खामनाय आरो गोसोनि बेराम थानाय बेरामिफोरखौबो मदद खालामनो हायो। लोगोसेनो रेटिनाखौ सोलायनानै मेगनि नुथाय गोहोखौबो लाबोफिन्को हायो।

जैकी श्रफआ अमिताभ बच्चनि मोनसे सावथुनआ फ्लप जानायनि उनाव जेंनायाव गोग्लैदोंमोन

गाहाम देहानि राहा

सानफ्रांको दालिम फिथाय जायोब्ला डायबिटिजनि खैफोदया बाइजु जायो

लन्डन, 13 एप्रिल: फिथाय-सामथाय जानाया जॉनि देहानि थाखाय मोजां जों बे बाश्राखौ मोनथिगो। मानोना बेजों जॉनि देहाया माखासे गोनांथि भिथामिनखौ मोनो हायो। मोनसे ताजा संदानायाव बुंनय जादोंदि, सानफ्रांको ताजा फिथायखौ जानानै आरो जिउ खुंनयाव सोलायनाय लाबोना डायबिटिजनि खैफोदखौ गोबां खम खालामनो हायो। अक्सफर्ड इन्वर्निफोर्सिटीनि संदानगिरि टिमआ 7 बोसोरसिम चान हादरनि 5 लाखनिफ्राय बांसिन बादायारिनि सायाव नोजोर लाखियो। संदानगिरिफोर बुंदोंदि, टाइप 2 डायबिटिजखौ ताजिम फिथायखौ जाब्ला जानगार खालामनो हायो। जिउयाव एसे सोलायनाय लाबोनाया



डायबिटिजजों बुगिनांनय सुबुंफोरनि थाखाय गोबां मुलाम्फा गोनां जानो हागो। आथिखालाव फिथाय-सामथायनि मिथिगायारि गोदैखौ नोजोर होना दासिमाव डायबिटिजनि बेरामफोरखौ फिथाय-सामथाय जानायखौ सिमा गोनां खालामना होदोंमोन।

संदानगिरिफोरा बुंदोंदि, जागा आदाराव फिथाय-सामथायखौ लाफाना बै जेंनानिफ्राय जानगार जानो हागोन। जर'खाफोरा बुंदोंदि, बेबादि खालामब्ला डायबिटिज जानायनि खैफोदआ 12 जौखोन्दोसिम खम जायो।

जैकी श्रफआ अमिताभ बच्चनि मोनसे सावथुनआ फ्लप जानायनि उनाव जेंनायाव गोग्लैदोंमोन

गोदान दिल्ली, 21 जुन : फावखुंनुर जैकी श्रफआ बलिउडनि मुंदांखा फावखुंनुरफोरनि गेजेराव सासे। 2003 आव रिलिज जानाय सावथुन नुमखौ जैकीनि बिस आयशा श्राफआ डाइरे क्ट खालामदोंमोन। आथिखालाव 18 बोसोरनि उनाव बे सावथुनजों सोमोन्दो गोनां बाश्राफोरा सोराडाव फेदों। सावथुनआ फ्लप जानायनि उनाव जैकी श्रफ आरो बिनि नख'रआव फाइनाइन्सियेल क्राइसिस जादोंमोन आरो न' फान्नांनयनि थासारियाव फेदोंमोन। बे सावथुनजों केटरिना केफआ बलिउडआव डेब्यु खालामदोंमोन। केटरिनानि अनगायै सावथुनआव अमिताभ बच्चन, जैकी श्रफ, गुलशन ग्रवर, पद्मा लक्ष्मी, मधु सप्रे, जीनत अमानआबो फाव खालामदोंमोन। जैकिआ मोनसे इन्टारिभउआव बुंदों गाव मोनथिगोमोनिदि गावसोर माबा मोनसे खालामनो नाजादों आरो



माबा मोनसे खोमाना लादों। गाव बेनि थाखाय रांखाथि होनादोंमोन आरो गाव होदोंबो। जेसेबां हागो एसेबां हाबाफारि मावदों आरो साफ्रोमबोनि रांखौ सुख'दों। जाहाथे गावनि नख'रनि मुड क्लीयार जायो। फालांगियाव दावखोलाय दावखलायनाया जाखायो, अरायसम गोजूआव थानाया गोनांथि नडा माल्लाबा गोजू माल्लाबा गाहायाव जाखायो, नाथाय गावनि आयेन आबु'थिखौ माबोरै

लाखिलांगां गोबेखौ मोनथिना लानाया गोनांथार। जैकीआ बुंनयदों गावनि फिसाफोरा जेबो बुजियाखैमोन। बिसोरो गोबां उन्दैमोन आरो गावसोर बे जेंनाखौ बिसोरनो मोनथिहोयाखै। जैकीनो खोथा होदोंमोनदि गाव बिफानि खोमाना लानांनय न'खौ बायना होफिनगोन। टाइगारनि इसारायाव जैकीआ बुंदों गाव फिसाफोरनि सायाव गौरबखौ मोन्दांथियो।

अमिताभ बच्चननि गोदान क-स्टारजों सेटनि फुरा थासारिया सोलायदों



गोदान दिल्ली, 21 जुन : फावखुंनुर अमिताभ बच्चनआ आथिखालाव गुडबायनि सुटि खालाम गसिनो दड। बे सावथुनआव अमिताभजों लोगोसे खोला भारतीय सावथुननि मुंदांखा फावगिरि रश्मिका मन्दानाकौ मोनसे गाहाय फावआव नुनो मोनगोन। आथिखालाव बिग बीआ गावनि मोनसे औरैबायदि क-स्टारजों लोगो हमहोदों, जाय फेनाय लोगो लोगोनो सेटनि

फुरा थासारिया सोलायदों। अमिताभ बच्चनआ गुडबायनि सुटि जों सोमोन्दो गोनां आपडेटफोरखौ लांन्थियै ससियेल मिडियानि गेजेरजों सेयार खालामदों। बियो समबारआव मोनसे सावगारिखौ सेयार खालामदों, जेराव बिखौ मासे गल्डेन रिट्रबर सैमाजों लोगोसे नुनो मोन्दों। अमिताभआ सैमाखौ अनानै बिलिरदों बेजों लोगोसे बियो लिदों, हाबाफारि मावनायाव

आंजों लोगोसे दड। जेब्ला बियो सेटआव थायो अब्ला फुरा थासारियानो सोलायो। मानोना बिखौ होवा आइजोफोरनि बयनिखुइबो मोजांसिन लोगो बुंनय जायो। गावनि बलगआव अमिताभआ गल्डेन रिट्टीबखौ लोगोसे सुटिनि मोन्दांथिखौ लानानै लिदों, बिनि ट्रेलार सावथुन सुटनि थाखाय ट्रेनि होनाय जादों आरो बिखौ परफर्म खालामनाय नुनानै गोबां मख'जाथाव सासे सोरबा सुबुंनि खम नडा। बियो सुटिनि इसाराखौ बुजियो। बयनिखुइबो गाहाय बाश्राया बेदि केमेराया माबोरै आरो बिखौ दिन्थियो होन्नानै बियो मोनथियो। बिनि नोजोरखौ बोनो थाखाय मोनसे प्लास्टिकनि होसोखौ दोन्याय जायो, जाहाथे बियो बे हांखोखौ नागिरिनानै बबेसिम थानंगो आरो बबेसिम फेनांगो, बबेहाय जिरायनांगो बखौ मोनथियो।

दा फेमिली मेन 2 आ मुलुगानि बयनिखुइ मुंदांखा सिरिज जादों

गोदान दिल्ली, 21 जुन : मनज बाजपेयीनि 'दा फेमिली मेन 2' आ रिलिज जानाय लोगो लोगोनो नायगिरिफोरनि गोसोआ साग्लोबसारनानै थादों। थानाय दानआव रिलिज जानाय बै सिरिजनि जादुआ सुबुंफोरखौ जावलिनाया खालामदों। नायगिरिफोरा दानिफ्रायनो बेनि 3 थि सिजिनखौ नेदों। श्व'नि मेकासं राज आरो डीकेआबो दा फेमिली मेन 2 नि थियारियाव नांथाबदों। आथिखालाव बे श्व'आ दासिमआव गोदानै जाफुं सारनो हादों। बे सिरिजआ मुलुगआव



बयनिखुइ मुंदांखा सिरिजनि गेजेराव मोनसे जादों। आइएमडिबिआ मुलुगनि बयनिखुइ मुंदांखा सिरिजनि फारिलाइआव दा फेमिली मेन 2 खौ 4 थि नाम्बारआव

मेननि सिगां लको स्वीट टुथ बायदि श्व'आ नाम्बार 1 आरो 2 आव थादों। मिडिया रिपर्टनि बायदिब्ला श्व'नि 3 थि सिजिनखौ आरोबाव बांसिन दोहौ गोनां बानायनो थियारिआ सोलितदों जायनि गेजेरजों बेनि थाखाय बानायगिरि बिथोनगिरिफोरा गिदिर थांखि लादों। खौरांनि बायदिब्ला तामिल सावथुननि स्टार बिजय सेतुपतिखौ भिलेननि फावनि थाखाय एप्रच खालामदों। सुलुंनि बायदिब्ला मेकासं राज एन्ड डीके आ बे खेबआव दा फेमिली मेन 3 नि थाखाय मेक्कन सेलवन थलापति बिजयखौ मुंसाइ होदों।

खौरांनि बायदिब्ला मेकासंआ सिजेन 2 नि थाखायबो बिजय सेतुपतिखौ एप्रच खालामदोंमोन। नाथाय बै समाव बियो माखासे हाबाफारिनि जाहोनाव बे श्व'खौ माना खालामदोंमोन। फारसैथिं दासिमबो श्व'नि थाखाय बिजयआ गनायगोन ना गनाया बे बाश्रानि जेबो खौरांखौ मोनाखै। आथिखालाव बे खौराडाव दासिमबो जेबो अफिसियेल बिबुंथिखौ फोसावनाय जायाखै। नाथाय आसा खालामनाय जादोंदि, थाबैनो बानायगिरि बिथोनगिरिआ बे खौरांनि सायाव मावख'आरि फोसावगोन।

दोन्दो। श्व'नि मेकासं आरो फावगिरिफोरा ससियेल मिडियाआव बे जाफुंसारनो हानायनि सायाव गाव गावनि फिनजाथायखौ होदों। बे फारिलाइआव दा फेमिली

नाइजरियाआव सा 94 फरायसाफोर आरो सा 8 मावसुमाफोरखौ खावनानै लादों, सा 3 गथ 'फोरनि गोथै सहफोरखौ बोखांदों

रैखाथि सान्थिनि आखाइयाव सा 600 नोगोरारिफोर थैबाय: इउएन

कटुना, 21 जून : नाइजरियाआव सा 3 फरायसालिनि फरायसाफोरखौ खावनानै लानानै बुथारनायनि जाथायखौ मोनथिनो मोन्नाय जादों। फरायसालिनि प्रिन्सिपालिफ्राय मोन्नाय खौरांनि बादिब्ला, बे सप्ताहयाव सा-सोनाब नाइजरियाआव सा 94 फरायसालिनि फरायसाफोर आरो सा 8 मावसुमाफोरखौ खावनानै लानाय जादोंमोन, बेनि उनाव दिनै सा 3 फरायसाफोरनि गोथै सहखौ बोखांनो हादों। बे जाथायखौ लानानै ओन्सोलाव रांखाथिनि थाखाय फरायसाफोरखौ



खावनानै लानाय जाथायखौ लानानै गिखांनय फैदों। 2020 नि जोबथा दाननिफ्रायनो बेवहाय खावनानै लानाय जाथायफोरा जांलांबाय थादों।

लोगोसेनो ओन्सोलनि सुबुंफोरा बेवहायनि सरकारनि सायाव दाय जाबसिनदोंदि, बियो आयेन बेवस्थाखौ लाखि लांनो हायाखै। हादतनि फेब्वी

राइज्योनि सुदुर सहर बिरिन थारिआव संघीय सरकारनि कलेजनि प्रिन्सिपाल मुस्ताफा इउसुफा फोरमायदोंदि, खावनानै लानाय फरायसाफोरनि गेजेराव सानै फरायसुलि आरो सासे फरायसानि गोथै सहफोरखौ बोखांनो हादों। थैनाय फरायसाफोरनि आधिडाव जोखोम जानायखौ नुनो मोन्नाय जादों। लोगोसेनो बियो फोरमायदोंदि, खावनानै लानाय सा 9 गथ 'फोरखौ रैखाथि खालामनो हाबाय। नाथाय सा 82 फरायसाफोरा आरो सा 8 मावसुमाफोरा दासिमबो खावनानै सांघांफोरनि बेंखनथायाव दं। खावनानै लांग्राफोरा फरायसाफोरखौ लानानै हाग्राबारियाव थाखोमाना थादों। खावनानै लांग्राफोरा फरायसाफोरनि फनखौ बाहायनानै बिसोरनि बिमा बिफानाव 60 मिलियन नायरा (746, 341 डलार) खौ दाबि खालामदों।

निउयर्क, 21 जून: म्यान्मारआव थानाय फेबुवारीआव खुंथाय सोलायनायनि उननिफ्रायनो दासिम रैखाथि सान्थि हान्जानि आखाइयाव सा 600 सुबुंफोरा मैहुर जानांबाय। बे खौरांखौ इउएननि हागाय नेहाथारि क्रिस्टिना बर्गनरआ रैखाथि परिषदआव होदों। बियो परिषदनि सोद्रोमाफोरनो फोरमायोदि, रैखाथि हान्जाया धर्ना होग्राफोरनि सायाव हाथियार बाहायगसिनो आरो सुबुंफोरनि जिउखौ फोजोबगासिनो। रैखाथि परिषदआ म्यान्मारनि थासारिखौ जिगा सिनाय फोरमायदों। बेनि अनगायै इउएनआ महासभायावबो मोनसे बिथांखिखौ पास खालामनानै म्यान्मारनि सान्थि खुंथायनियाव आर'ज गाबदोंदि, थाबैनो राज खान्तिगिरि हामजानायफोरखौ रेहाय होनांगो आरो हादरआव सुबुंखाथि सोलिहोनांगो। इउएनआ म्यान्मारआव सिभिल वार एवा



नोगोरारिफोरनि दावहा जानो हागौ होन्नानै हमदादों। क्रिस्टिनाया रैखाथि परिषदनि जथुम्मायाव फोरमायोदि, म्यान्मारआव सामलायजायै थासारि आरो गोखोंसिन जाबोनाय सान्थि खुंथायनि हेथायै धर्ना होग्राफोरनि अजद होनायाबो थाबथायालासे सोलिगसिनो दड। सुलुनि बादिब्ला, बेयाव खुंथाय सोलायनायनि उननिफ्राय दासिम सा 10,000 निबो बांसिन सुबुंफोरा गुबुन हादरआव खारनानै थाहैबाय। बिसोरनि

इउएननि अन्जिमा बादिब्ला, दासिम सा 1,78,000 सुबुंफोरा खुंथाय सोलायनायनि उनाव न'-बां गैजायै जानांदों। रैखाथि परिषदनि जथुमआव क्रिस्टिनाया सोद्रोमा हादरफोरखौ खावलायोदि, बिसोरो म्यान्मारआव गोजेन थासारि लाबोनो थाखाय थांखिफोरखौ लानानै थाबैनो सावरयजलायो, लोगोसे थाबैनो म्यान्मारआव नायबिजिनो थाखाय दाबिबो दैखांदों। म्यान्मारआव रोजा-रोजा सुबुंफोरा रैखाथि हान्जाफोरनिफ्राय रैखाथि मोन्नो थाखाय हाग्रा-बंग्रा अरनबारिफोराव खारनानै थाहैदों। बिसोरनो मुवा-बेसाद लांनानै हैग्रा गासैबो लामाफोरखौबो सान्थि हान्जाया बन्द खालामनानै होदों। बे बादियाव बिसोरनि जिउआव खैफोदआ जेरैथिबो सागलोबफैदों। बिसोरनो थाबैनो मदद जगायनानै होनाय जायाब्ला थैनायनि अन्जिमाया बांनो हागौ होन्नानै क्रिस्टिनाया बुडे।

बारग' देहा मन्थि शैलजाया मुंदांखा इउर'पीयान बान्थाखौ मोन्नो हादों



बान्थाखौ फोसावनाय जायो। इउनिभासिदिनि प्रेसिडेन्ट एबा रेक्टर माइकेल इनाकिफआ शैलजा टीचारनि थाखाय मान बान्थाखौ फोसावो आरो बुडेदि, बे बोसोराव जौगाखांफुनाय मुलुगनिफ्राय सासे सरासन्ना नडै सिबिथाय होग्रा सुबुंनो बे मान बान्थाखौ होनाय जादों। कभिड-19 इन्फेक्सननि समाव

भारतयारि केरेला राइज्योनि देहा मन्थि आरो राइजोयारि देहा सिबिथायनि थाखाय गावखौ बाउसोमनानै सासे मावसुमा महै के के शैलजाया मुलुगआव दिन्थिदोंदि, गोखों समायखिरा एबा थांखि लानानै सामलायनाय, हरिखौ बिथा खालामनायनि सायाव सरासन्ना गाहाम देहा आरो गोहोम गोनां सोमोन्दो लानायजों जिउखौ रैखा खालामनो हायो। शैलजा टीचारनि विदिन्थिया लाइमोन आइजोफोरखौ राइजोयारि सिबिथाय होनायाव बाहागो लानो थाखाय थुलुंगाखां होगोन आरो इनफेक्सनखौ होबथानायाव केरेलानि जाफु'सारनाय रेकड'आ जौगाखांफुनाय मुलुगआव हादरफोरनो मिजिं आरो थुलुंगाखां होदों।

इराननि गंसेल' निउक्लियार पावार प्लान्टखौ इमार्जेन्सि थासारियाव बन्द खालामदों

तेहरान, 21 जून : इराननि गंसेल' निउक्लियार पावार प्लान्टसखौ इमार्जेन्सि थासारिआव अरायथा नडै महै बन्द खालाम नांदों। सरकारि मोब्लिब गोहो कम्पानीनि सासे बिबानगिरिआ फोरमायदोंदि, बुशहर प्लान्टखौ थानाय शनिबाराव बन्द खालाम नांदों आरो बेयो 3-4 सानसिम बन्द थागोन। बेनि जाहोनाव मोब्लिब गोहोखौ जगायना होनाया जेना सोमजिनो हागौ। इरानआ दासो गिबि खेब बे प्लान्टखौ बन्द खालामदों। इरानआ बे गुन्द्रासा प्लान्टखौ 2011 आव रासियायनि मदतजों जागायजेन्दोंमोन। मार्चआव गुन्द्रासा गोहो बिबानगिरिआ बुंदोंमोनदि, प्लान्टआ हाबा मावनायखौ बन्द खालामनो हागौ। मानोनो इरानआ बेनि थाखाय रासियायनिफ्राय जोन्थोर



आरो मुवा-बेसादखौ बायनो हायाखै। गुन्द्रासा रादाय खानायनि हाबाफारियाव आमेरिका आरो इराननि

सावरायलायनायाव जेना सोमजिदों। आमेरिकाआ बुंदों इराननि माखासे दाबि दैखांनयखौ गनायना लानो

हायाखै। आमेरिकानि माहारियारि रैखाथि बोसोनगिरि जैक सुलीबानआ बुंदों, रादाय खानायाव थाफादेरनायनि

थांखिखौ इराननि गोजौ थाखोनि दैदेनगिरि अयातुल्ला आली खामेनेइआ लानांगौ। आमेरिकाआ नेमखाथि बादियै रादाय खानायाव फिन थाफानो थाखाय थियारि जादों। सुलीबानआ बुंदों, 2015 आव रादाय खानायखौ फिन लाखिलानो थाखाय मोनै हान्जाआ गोजान लामाखौ थि खालामदों। नाथाय माखासे के सखौ लानानै गनायथि लायाखै। इरानआ आमेरिकानि जोबथानायखौ गिबिआव बोखारनो गोसो जादों जायनि थाखाय जों थियारि जायाखै। गुन्द्रासा रादाय खानायखौ फिन लाखिलानो थाखाय भिएनाआव एप्रिलनिफ्राय सावरायलायनाय जादों। बेवहाय आमेरिकानिफ्राय ब्रिटेइन, फ्रान्स आरो जार्मानीनि बिबानगिरिआ सावरयदों।

तिरुअनन्तपुरम, 21 जून: मख 'जाथावदि, बोसोरफोमबो केरेलानि बारा' देहा मन्थि केके शैलजानो राइजोयारि देहा सिबिथायाव गावनि बाखायथाव बिहोमा होनायनि थाखाय मुंदांखा सेन्दुल इउरपीयान इउनिभासिदि अपेन ससाइटी बान्थाजों मान बाउयो। ग्रंजुएसन फोर्बां आव बे

टकिय अलिम्पिकखौ गुबुन अलिम्पिकफोरनि रुजुनायाव बे खेबआव जुनियायै खुंफुंगोन



टकिय, 21 जून: करना भाइरासनि जाउनाव से बोसोर उन जानायनि उनाव 23 जुलाइनिप्राय जानो गोनां टकिय अलिम्पिकखौ सिगांनि गुबुन अलिम्पिकनिफ्राय गुबुन राहायै खुंफुंनय जागोन जेराव स्पटस भिलेज एबा गेलेग्रा ओन्सोलाव जुनिया रोखोमै सुबिदा खालामनाय जागोन। फिभार क्लिनिकनिफ्राय जागायनानै टकियनि सिडव थानाय गिदिर् गामियाव गुबुन गुबुन रोखोमनि थाग्रा खथानि खाबु होनाय जागोन। करनाजों सन्देरजानाय सन्देह गेलेगिरि आरो स्टाफफोरनि सायाव पिसिआर आन्जाद खालामनाय जागोन। खेल गावनि सिडव गुवार डाइनि हल, फिटनेस सेन्टर आरो मोनसे फिसा डाइनि हल दड; बेयाव जापाननि मुंदांखा जाग्रा आदार रानाय जागोन। खेलगावनि सिडव गेलेगिरिफोरखौ सानफ्रोमबो आन्जाद नायनाय जागोन आरो गावनि सिडव आन्जाद नायनायाव बेले-बेजे नुजायोब्ला गेलेगिरि एबा स्टाफनि मावसुमाफोरखौ डा: तेतसुया मियामटआ दैदेनगोन, जाय अर्गेनाइजिं कमिटीनि मेडिकल बिफाननि गागु डिरेक्टर। डा: मियामटआ रबिबाराखालि बुंदों, जुदि सोरनावबा करना सन्देरजानाय लैखोन मोनो अब्ला बिखौ बेसिम लाबोनाय जागोन आरो बि सुबुंनि सायाव आन्जाद नायनाय जागोन। जुदि बिनि सायाव लैखोन मोन्नाय जाया एबा सरासन्ना लैखोन मोन्नाय जायो अब्ला गावनि बाइजोनि क्वारेन्टाइन हटेलआव दोन्नाय जागोन आरो गोब्राब लैखोनजों भुगिनांनय सुबुंखौ देहा फाहामसालिआव दैथायहरनाय जागोन।

करना सोमजिखांनयखौ लानानै चीननो हुमखि होदों

वासिंटन, 21 जून : करना सोमजिखांनयनि केसआ फुरा मुलुगनो चीनखौ नोजोर होदों। बे केसआ आमेरिकानि रैखाथि बोसोनगिरि जेक सुलिबानआ चीनखौ हुमखि होयोदि जुदि चीननि फासैनिफ्राय बे केसआ मदत होयाब्ला बेयो हारिमायारि फोलेरआव आलादायै थांनगोन। बियो बुंदों हेफाजाब होयाब्ला चीनआ मुलुगनां थाखोआव आइसलेसन एबा आलादायै थांनगोन। खौरांगिरि नो होनाय मोनसे इन्टरभिउआ सुलिबानआ हादतगिरि ज' बाइडेननि थांखि आजावनाय जि-7 हे फाजाबआरि दैदेनगिरिफोरखौ चीनखौ बे बाश्थानि थाखाय नारसिननो खावलायनायखौ बाखायदों। मख 'नो गोनांदि, करना भाइरास सोमजिखांनय



दासिमबो मोनसे रहस्ययैनो दं। जायनि गिबिसिन केसखौ चीननि बुहानआव मोन्दोंमोन। सुलिबानआ बंबावो बे सप्ताहयाव इउर'पआव बाइडेनआ गिबि खेब कभिड इनफेक्सननि सायाव गासैबो हादतफोरखौ खौसे खालामदों। जायखौ

बारग' हादतगिरि ट्राम्पआ खालामनो हायाखैमोन, बेखौ हादतगिरि बाइडेनआ खालामना दिन्थिबाय। जि-7 नि गासैबो सोद्रोमा हादतफोरा चीननि हें थायै बाश्था बुंदों। चीनआ गावनि हादतआव नायबिजिनो गनायथि होनांगो।

सौदि आरबआव मसजिदफोराव लागायनाय लाउडस्पीकारफोरा खम जागोन

रियाद, 21 जून : सौदि आरबआ सोलायनाय थासारिजों सोलिदों। बेवहायनि मसिजदफोरनिफ्राय नामाजनि थाखाय लाउडस्पीकारनि गेजेरजों खोना संहोनाय सोदोबखौ लासे खालामनो शाही सरकारनि बिथोनखौ फोसावनाय जाबाय। मुलुगनि बे गोहो गोर। मुस्लिम हादतआव जेना गोनां आखुखौ फोजोबनानै सुसंनय फासै आवगय लानो थांखि लादों। मसजिदफोरनिफ्राय लाउडस्पीकारनि सोदोबखौ खम खालामनो थांखि लानायाबो बेफोरनि गेजेराव मोनसे सौदि आरबआ थानाय बोसोराव आइजोफोरनो सरासन्ना जिउ खुंनो माखासे मोन्थाय होदोंमोन। बेवहाय आइजोफोरा ड्राइभिं



खालामनायनि मोनथाय, स्टेडियमआव थानानै हौवाफोरजों लोगोसे मेच नायनाय मोन्नाय आरो देखो मिउजिकनि हाबाफारियाव बाहागो लानायनि मोनथायबो दंफा देरो। सौदि आरबखौ इस्लामनि गोथार हादत मानिनानै लानाय जायो। मानोनो बेवहाय

बयनिखुडो बासिन धोरोमारि जायगाफोर दं। बेवहायनो पैगम्बरआ जोनोम जादों आरो गोबां सम बेवहायनो थादों। सौदि आरबआव आइजोफोर आरो हौवाफोरनि थाखाय इस्लाम धोरोमजों सोमोन्दो थानाय आलादा आलादा आयेन दं।

टकिय अलिम्पिकआव बाहागो लानो नागिरनाय गेलेगिरिफोरखौ मदत खालामगोन बिसिसिआइआ

गोदान दिल्ली, 21 जुन : टकिय अलिम्पिकआव थानो नागिरनाय भारतीय गेलेगिरिफोरनि मदतनि थाखाय बिसिसिआइआ आवगय बोदों। भारतीय क्रिकेट कन्ट्रोल बोर्डआ बे गेलेगिरिफोरनि थियारिफोर खालामनाय आरो ट्रेनिनि थाखाय 10 कौटि रांखौ होनो बाध्रा फोसावदों। बिसिसिआइआ इमार्जेन्सि गोर्जौ थाखोनि परिषद जथुमानि समाव बे थांखिखौ लानाय जादों। बे जथुमायाव आफादगिरि सौरभ



गांगुली आरो सेक्रेटारि जय सोलिगोन। बिसिसिआइआ विबानगिरिनि बादिब्ला, बिसिसिआइआ अलिम्पिक दोलोखौ मदत खालामगोन। गौर्जौ थाखोनि परिषदआ बेनि

थाखाय 10 कौटि रांखौ गनायथि होदों। बे रांखान्थिखौ टकिय अलिम्पिकनि थाखाय क्वालिफाइ खालामनाय टप गेलेगिरिफोरनि थियारिफोर खालामनाय आरो गुबुन गुबुन थागिनि थाखाय बाहायनाय जागोन। गेलेमु मावख' आरो भारतीय अलिम्पिक संघजों बाध्रा सावरयनायनि उनाव रांखान्थि होनायनि अक्टखौ थि खालामनाय जागोन। किट स्पन्सारनि महाराव लिनिआ जानगार जानायनि उनाव बिसिसिआइआ गेजेरजों होनाय बे रांखान्थिजों टीमआ मदत मोनगोन, जेराव ट्रेनि आरो थियारिफोर खालामनाया दंफा देरो। बियो बुंदों, बिसिसिआइआ जेब्लाबो अलिम्पिक मेचफोरखौ जौगाखां होनायाव मदत खालामनायखौ फोथायो।

भारतीय आइजो रिक्ब टीमआ कलम्बियाजों जेन्नानै अलिम्पिकनि थाखाय क्वालिफाइ जानो हायाखै

पेरिस, 21 जुन : वर्ल्ड काप सेम्पियन भारतीय आइजो रिक्ब टीमआ फाइनालाव क्वालिफाइ बादायलायनायाव बाइइ रेकिं थानाय कलम्बियाजों जेन्नानै अलिम्पिकनि बादायलायनायनि फ 1य बाइजोआव थानांवाय। भारतीय आइजो आर्चरिनाव टकियआव सिंगेल्स आइजो कटानि जायगाजों लोगोसे टीम कटा मोन्नो हानाय बेयो जोबथा खबुमोन। नाथाय बियो बेवहाय फेलेंजादों। दीपिका कुमारीआ आधिखालाव टकिय मेचआव आइजो थाखोआव भारतनि सासेल' गेलेगिरि जागोन बियो थामथि खेब अलिम्पिकआव हादतखौ दैदेनगोन। भारतआ 2019 आव नेदारलेन्डि डेन बसआव वर्ल्ड रेकिं नि



सेम्पियनसिपनि फ 1य अलिम्पिकनि थाखाय हौवा कटाखौ गिबिआवोनो मोन्नो हादों। रोंगोथि गोनं भारतीय आइजो टीमआ अलिम्पिकआव जायगा बानायनो थाखाय 28 टीमफोरनि गेजेराव थामथि सारिआव थानांगौमोन। नाथाय बियो मोजाडै दिन्थिफुं नो हायें आव बेनिफ्राय बायजोआव थानांदां। वर्ल्ड रेकिं नि

थामथि नम्बरनि गेलेगिरि दीपिका, अंकिता भगत आरो कमलिका बारीनि मोजाडै गेलेनानै दिन्थिफुं नाय नै दान सिगां ग्वाटेमाला सिटिआव वर्ल्ड कापनि मोनसे खोलोबयाव सनानि मेडेलखौ देरहानो हादोंमोन। नाथाय टीमआ बेवहाय मोनसेबो सेटखौ देरहानो हायाखै आरो कलम्बियायनि गेलेगिरिफोर बिखौ 6-0 जों फेजेन्दों। एना

मारिया रेन्डन, भेलेन्टिया एकस्टा गिराल्ड आरो मायरा सेपुलबेडानि कलम्बिया हान्जाया पारफेक्ट 10' आव खन्नें थांखि लानायाव जाफुंसारनो हायो आरो 55-54 जों सेटआव गावनि मुं खालामो। भारतीय आइजो टीमआ नैथि सेटआव गासे 49 अन्जिमाया बानायनो हायो। टीमआ बे सेटआवबो मोन्नै पइन्टखौ खोमा नाडो। भारतीय टीमआ बेनि सिगां मोजाडै दिन्थिफुंनो हादोंमोन, जेराव दीपिकाआ 674 स्करखौ मोन्नो हादोंमोन। बेजों टीमआ क्वालिफिकेसनआव नैथि थाखोआव थानानै नैथि बादायलायनायाव थोंजों हाबहैनो हादोंमोन।

इटालि आरो वेल्सआ इउर' कापनि नकआउट खोलोबआव जायगा बानायनो हादों

रम, 21 जुन : इटालिनि टीमआ गावसोरनि देरहानाय अभियानखौ लाखिलानानै वेल्सखौ 1-0 जों फेजेन्नानै इउर' कापनि जोबथा 16 एबा नकआउट खोलोबआव हाबहैनो हादों। आधिखालाव जेनायनि उनाव वेल्सनि टीमआ ग्रुप ए आव नैथि सारियाव थादों आरो बिबो नकआउट खोलोबआव गावनि जायगाखौ आवगिनो हादों। इटालिनि



टीमआ ग्रुप ए नि मोन्थाम मेचफोराव खनथाम देरहानायजों लोगोसे 9 पइन्ट लानानै गिबि सारियाव थानो हादों। जेराव वेल्सनि टीमआ मोन्थाम मेचफोराव खनसे देरहानानै, खनसे जेन्नानै आरो खनसे इ गेलेनायजों लोगोसे 4 पइन्ट लानानै नैथि सारियाव थानो

जाय सुइं बलजों भिराट कहलीआ आउट जादोंमोन बे बलजों जायखि-जाया बेटिं खालामग्रायानो आउट जागौमोन: काइल जैमिसन

सावथ्रेम्पटन, 21 जुन: आइसिसि वर्ल्ड टेस्ट सेम्पियनसिप फाइनालनि नैथि सानआव भारतनि हेंथायै निउजिलेण्डनि गोखों बलार काइल जैमिसनआ भारतयारि हान्जानि केप्टेन भिराट कहलीनि उइकेट लानानै गिदिरि दाबि खालामदों। काइल जैमिसनआ हमदानानै लादोंदि, जायखि-जाया बेटिं खालामग्राया सुइं बलजों आउट जागौमोन, जायजों हेंथायै बादायारि हान्जानि



केप्टेन भिराट कहलीआ आउट जादोंमोन। जैमिसनआ वर्ल्ड टेस्ट सेम्पियनसिपनि फाइनालाव भारतनि हेंथायै गिबि बादायनायाव सा 5 उइकेट लानो हायो आरो टीम इन्डियाखौ 217 रनल' खालामहोदों। बेरफासँ निउजिलेण्डआ सानै उइकेट खोमानां नायजों 101 रन खालामनो हायो। थामथि सान गेलेनायनि प्रेस कन्फारेन्सआव

जैमिसनआ सुइं बलनि फासँ सौनायनि फिनआव निउजिलेण्ड हान्जानिफ्राय इनसुइं बल खुबैहरनाया थि खालामखानायमोन होनानै फोरमायो। 26 बोसोर बैसोनि गोखों बलार जैमिसनआ 31 रन होनायजों सा 5 उइकेट लानो हादोंमोन, जायनि गेजेराव रहित शर्मा आरो केप्टेन भिराट कहलीनि उइकेटआबो दं।

टकिय अलिम्पिकआव पिभि सिन्धुनि थाखाय मेडेल देरहानांगौआ गोर्लै नडा: ज्वाला गुट्टा

गोदान दिल्ली, 21 जुन: बारग' जावजा बेडमिन्टन गेलेगिरि ज्वाला गुट्टाया फोथायथि लानाय बादिब्ला, रिय अलिम्पिकआव सिलभार मेडेल देरहानो हानाय पिभि सिन्धुआ बाडाइ हुदा खालामनायनि जाहोनाव टकिय अलिम्पिक आव बे बादि थाखोआववनो फिन देरहाफिनायाव गोब्राव मोगा-मोगि जानांगोन। बोसोर 5 सिगां जेब्ला बयनिबो नोजोरआ लन्डन अलिम्पिकआव ब्रन्ज



मेडेल देरहानो हानाय साइना नेहवालनि फासँ दडमोन अब्ला सिन्धुआ सिलभार मेडेल देरहानो हानानै बयखौबो गोमो होदोंमोन। साइनाया बे

खेबआव अलिम्पिकनि टिकेट मोन्नायनि बादायनायाव फेलें जायो, बे समाव फेगौ 23 जुलाइनिफ्राय जानो गोनं टकिय बादायनायाव सिन्धुनिफ्राय हादरनि जाना मेडेल देरहागोननि मिजिथिदों। ज्वालाया बेकस्टेज एपआव भारतयारि बेडमिन्टननि सोमोन्दे गोथौयै सावरयलायनाय समाव बिथानिफ्राय मेडेल देरहागोननि सोमोन्दे मिजिथिदों। बिथाडा बुंदों, रिय अलिम्पिकआव सिन्धुनि थाखाय थासरिआ आवुडैनो जुदामोन, नाथाय दा थासरिआ आवुडैनो सोलायनानै फैबाय। बे खेबआव बिथानि सायाव गोबां नोजोर खालामदों आरो बिखौ माबोरे सामलायो बेफोर गासैबो सिन्धुनि सायाव थादों। सिगां फासँ बिथाडा बुंदों, आं आसा खालामदोंदि, सिन्धुआ बेनि फासँ मोजां सानाय लागोन। रिय अलिम्पिकआबो गोर्लै नडामोन, नाथाय टकिय अलिम्पिकआबो रोखायैनो गोर्लै जानाय नडा। बयबो बिनि गेलेनायखौ मिथियो, लोगोसे बयबो बिनि गेलेनायखौ नुबाय।

चिलीआ कपा आमेरिकाया करना भाइरासनि नेमखान्थिखौ सिफायदों

साउ पाउल, 21 जुन : चिलीनि गेलेगिरिफोरा कपा आमेरिकानि समाव करना भाइरास नेमखान्थिखौ सिफायदों, जेब्ला ब्राजिलनि सहर सुइयाबाआव टीमनि हटेलाव सासे खानाय सिनग्राया गेलेगिरिफोरनि सोमोन्दोआव फैयो। चिली साकर महासंघआ बुंदों, कपा आमेरिकाआव बाहागो लानाय टीमनि गेजेरजों बायलजिकेल महरे रैखाथि थासरिनि नेमखान्थिखौ सिफायनायनि बाध्राखौ गनायना लायो, मानोना सासे खानाय सिनग्राया हटेलाव हाबफैयो आरो नेगेटिभ आरटि पिंसिआर टेस्टनि अनगायै बियो गेलेगिरिफोरनि सोमोन्दोआव फे नो नाडामोन। चिली



महासंघआ बे जाथायजों सोमोन्दो थानाय गेलेगिरिफोरनि अन्जिमा आरो मुंखौ फोरमायाखे। नाथाय बिसोरनि सायाव जुरिमाना लागायनो बाध्रा बुंदों। जाय हाबाफारिनि जाहोनाव बेबादि थासरिजों मोगा-मोगि जानांदों, बेनि थाखाय दुखु मोनो होनानै महासंघआ बुंदों। टीमनि गसिबो सोद्रोमाफोरनि करना टेस्ट नायनायखौ नेगेटिभ मोन्नाय जादों। चिलीनि सुर्वुनि बादिब्ला, मिडफिल्डार आर्तुर बिडाल आरो डिफेन्डर गेरी मेडेलआ हटेलआव श्वनि खानाय सिनग्रा सुबुंफोरजों लोगोसे हाबफेदों। सानैबो थानाय सप्ताहआव खरनि खानाय सिन्जानाय गावसोरनि बिडियखौ सेसियेल मिडियाआव सेयार खालामदोंमोन, जायनि उनाव महासंघआ बिबुंथि होनायखौ फोसावदों।

आसाम सरकार

करनानि हेंथायै जुजिनो भेक्सिनानो जोंनि गाहाय हाथियार

फै कभिड-19नि बांहोनाय भेक्सिन थुनायनि अभियानाव हेफाजाब होनानै कभिड महामारिखौ होबथानि

फोरमायथि आरो सुवुं फोनांजाव मावख', आसामनि गेजेरजों फोसावजानाय
JANASANYOG/D/1414/21